

2-8-7
14

211

211

211

地理全志

新學堂

PDG

今余重纂地理全志其中厥略跡之遺非中

理僅知地土風木造房安葬諸般皆爲虛而無事

之考

風俗

海國圖

集亦

雖論至

其大效倘見後人續出亦可小補方今中外

來人材濟濟應悉中外諸端故此書爲纂要之作於

前免略詳地形地動等職知地理者獨有

關中味經

官書局刊

今余重纂地理全志，其中藏略跡誌之，迥非中國之談地理，僅如地土風水造房安葬諸般，皆爲虛而無憑，茲所講之地理，祇論地土形勢及水分派洋海湖河暨萬國人民風俗土產等，向中土文人略識之，亦有諸書述其大意，若海國圖志與瀛環志略二書頗有盛名，廣行華夏，茲著是集，亦仿其意，專以外國地志爲本，希中土儒林披而獲益，雖論全地形似，究不能備而詳審，要須多著卷帙，始得收其大效，倘見後人續出，亦可小補，方今中外甚屬相通，往來人材濟濟，應悉中外諸端，故此書爲緊要之作，於論事前，先略詳地形地動等，堪知地球非獨有者，因在宇宙中。

更有萬般星象與地相附而共顯焉、

上帝造化之大功

曾維

光緒九年歲次癸未夏月上洋麥家園慕維廉識

地理全志目錄

地形 地動 地廣 地線 地氣生物等 天象

地理總論 地理名解 水土略分論

亞西亞全志 自二章至四十一章

歐羅巴全志 自四十一章至八十章

阿非利加全志 自八十一章至一百二章

亞墨利加全志 自一百三章至一百二十九章

大洋羣島全志 自一百三十章至一百四十三章

地形

夫地之形體圓如球如橘其據略陳於左一有船能行地之四周仍歸故處譬若行或東或西直路而往後卽能回

本地二、船行時未觀其身先現桅頂若地勢是平則船之全體悉堪洞見惟圓故船之下體被地所蔽三月蝕時乃地影掩於面其影之形恆見圓狀由此可証地形是圓因祇有圓體能常顯其圓影四我方行自北至南有星降於地平之下更有他星升於南如北斗星居北寒道幾直在頂上若行南即稍見於下若接赤道即見在地平過此則不見焉

地動

維我見地若定於一處而日與星辰如行於四周其實是地所運動也夫人居大球上有城市創建草木滋生舟行水面究其球時常自轉凡人城市草木船等與球同轉焉每十二時地球自轉一次於本軸之周便成晝夜當我在地球邊向日斯為我晝背日斯為我夜若推一直線通貫地球中乃所自旋之處即名地軸其線之兩端即名南北二極夫地球晝夜自運本軸外更有每年繞於日周緣是定四時變化冬時與我相近之極即背日故於午時在天上為低其光斜射於我夏時與我相近之極即向日故在天上為高其光直射於我日在我上愈高則其熱覺甚至

高爲夏至
低爲冬至

地廣

凡地之四周共約有九萬里其直徑二萬二千里因地形旋動惟赤道之區凸出故其在面上較在二極遠地中約有四十五里夫地乃爲上帝所造雖是廣大而於天象實爲至小之一

地線

赤道乃所推之線橫畫於地球之周自南北二極均分各半一名南半球一名北半球經線自所定之午線縱畫之而指某地與彼相距或東或西又以度量之此書中之午線由北京而算之緯線自赤道橫畫之而指某地與彼相遠或南或北又以度量之南北二帶當地繞日旋回日似行其道之上於赤道至南北二十三度半止有線自此畫於地球四周名南北二帶南北二寒線自二極所畫在二十三度半相距地面分五道熱道一溫道二寒道二熱道在南北二帶中於斯經年間晝夜長短幾均二溫道由二帶至二寒線而止於此晝夜長短有大異二寒道自寒線

至二極而止，在此經年中日長全掩。

地氣生物等

地面氣候在赤道為至熱，大略言之，愈近二極漸冷，惟氣候不獨藉地所遠赤道亦賴其地高於海面而成，在赤道若登十里高於海面即接永雪之線，在赤道

南北越近二極其線為底，至與海面平也。

草木在熱道中更為繁茂，其種亦屬甚異，越近二極其種更少而短，自赤道至二極有草木分八土：一、赤道土，生櫻

樹、香蕉、香料等；二、熱道土，產糖、米、棉花等；三、熱道南北之

土，產冬青、橄欖、茶葉、米、棉花等；四、暖溫道土，產冬青、蒲葷

麥、麵等；五、冷溫道土，產穀、松栢等；六、寒道南北之土，產松

柏、楊柳等；七、寒道之土，產夾竹桃、苔蘚等；八、二極之土，不

生凡

鳥獸在暖地至繁而甚異，熱道中走獸極大，如象、犀牛、獅

虎等，更有昆蟲、鱗甲極盛，飛鳥彩羽至豔，溫道中有馬、驢

牛、羊等，其鳥彩羽稀少，寒道中陸地走獸罕

有，惟海中有鯨魚、海狗等，洋海飛鳥繁庶。

人類分有數品，以形色狀貌言語所定，大略如下：一、白色，有首擡圓，面貌端正，而髮盛，其人居於歐羅巴者，十之九，與亞西亞之西、阿非利加之北，暨徙亞墨利加之人，二、黃色，有大頭殼，斜目，稀髮，其民居於中國、土耳其等處，三、黑色，唇厚，鼻平，髮拳，其民居於阿非利加、澳大利等，四、褐色，頭尖，髮黑而強，其民居於馬來、新西蘭、羣島、五、紅色，乃亞墨利加之土人。

萬民之情形，分有四等：一、生番，二、少，有禮儀，三、大有禮儀，四、文學技藝。國政大分三等：一、君自主，二、君與民爲主，三、庶民共主，所宗之教，分四等：大略如下：一、耶穌教，乃信耶穌基督爲上帝子，救世主，二、猶太教，祇信舊約聖書，不信新約，而望救主將至也，三、回教，乃信麻哈麥，卽在唐代，生於亞拉巴，四、像教，如釋道、梵教等，其民拜偶像，故稱像教也。天下萬民，論其數目，約略算之，十四萬萬人。

天象

蓋地球外更有星象旋繞於日亦蒙其光開或有如地稱
爲行星或稱彗星其軌道有時較行星更近太陽而後行
至遠之區經數十年不得見論日月星辰大小不一略陳
於下日徑有三百萬里自轉其本軸於二十五日較我地
球尤重二十五萬倍亦尤大一百二十五萬倍金星遠日
一千二百五十億里人目罕見水星更近地球故較他星
愈明而遠日亦有二千三百五十億里在日之東爲晚星
在西爲朝星地球遠日三千二百億里外有一月遠地入
十五萬里自轉其軸在二十九天半亦爲洋海潮水之故
當月於地與日之中卽成日蝕其地於日與月之中卽成
月蝕火星遠日五千億里見有紅色惟用千里鏡窺之有
數點跡其白推爲雪其黑推爲州又有諸小星已識一百
三十或推爲大星分折之料共遠自日七千萬至一萬億
里土星遠日約一萬六千億里較他行星尤大又較地球
大一千三百倍惟尤重祇三百倍又有四月周有數帶之
色木星遠日約有三萬億里外有八月三圈中有二明天
王遠日六萬億里亦有四月海王遠日九萬億餘里中有
二月以上小星分諸行星有內外二羣其內者較小行於
日周甚速自轉本軸約有十二時惟一有一月外者較大
其行稍緩自運五時皆有數月日與所連之星皆成太陽

諸星之
彙也

夫光行一秒時有六十六萬四千里自日至行星卽下至金星在三分時十五秒至水星在六分時至地球在八分時至火星在十二分半至最近小星在十九分時至最遠小星在二十四分半至土星在四十三分時至木星在七十八分時半至天王星一百五十八分時至海王星二百四十九分時至最近定星三年半又有星甚遠其光通至地球必需數千年如此其光之射今我得見卽離其星久已數千年緣是可見在太陽諸星外更有諸星自發已光亦推爲日較我星之日尤大或在他星彙中目見至小祇因甚遠至近者較日相遠尤大二十萬倍夜觀似見甚多而實見甚少窺千里鏡著明千萬爲我目不能見若鏡力愈增卽能見之星數更增天空見似白雲俗名天漢若用大千里鏡測之卽有無數星辰彙之太陽與眾定星恆運有序遵所定之路或於彼此周回或於中極未識之區聖書云上帝兮上天彰其榮光穹蒼顯其經綸兮又云爾當仰觀天象羅布有若軍旅上帝以巨能大力創造星辰辰呼其名核其數無不應命

地理全志

地理總論

地理者言地面形勢、分質政二家。質家言地乃水土所成、及土之位置、廣大、高低、形勢、大略、水之位置、廣大、深淺、流動之理也。總之、水土支幹、氣化不同、故禽獸草木、隨地而異、各有界限。此言地質者之至要也。政家詳地之郡國省縣、與各國界限、典籍、土產、貿易、戶口、律例、教俗等事。欲知地面質體、當先明地球形勢、以天文、地殼、元質、氣化、諸理詳釋之。

地理名解

水土略分論
地面以水土分之、水分爲洋、海、灣、窄海、峽、河、湖等、土分州、島、隅、角等、其洋者、水之支派最大者也、海者、洋之支派最大者也、灣者、海之支派繞於地濱也、窄海者、海之大支開於二地也、峽者、夾於二海之中、小於窄海也、河者、水流於海也、湖者、水匯於地面、土環其外也、其州者、地之最大者也、島者、地於水中小於州也、隅者、地大半環於水也、角者、彈丸之地、突起於海中也。

水土略分論

地面之水、分爲五洋、一曰太平洋、一曰大西洋、一曰印度洋、一曰南冰洋、一曰北冰洋、土分爲五州、一曰亞西亞、一

曰歐羅巴、一曰阿非利加、皆爲東土、一曰南亞墨利加、北亞墨利加、皆爲西土、其外大洋羣島甚多、推之卽爲一州、因名曰大洋羣島、

論地球度數、以經線緯線縱橫畫之、四周得三百六十度、昔西地理之士、至中國、以一百九十二里半爲一度、後至者、以二百五十里爲一度、此書以是度爲準、周圍約九萬里、總計約七千億方里、

今將五州之文、質、政、以及其國、省、都、城、形、勢、名、號、人、民、風、俗、史、冊、朝、綱、等、一一、詳、明、列、後、

亞西亞全志

亞西亞為五州之最，其內山嶺環繞，高原廣野，人文蒼萃，物類紛繁，氣候冷熱，地土肥瘠不等，特詳於左。

文論

州內緯線自赤道北一度二十分起至七十八度止，經線自中華北京午線偏東七十三度三十分起至偏西九十度三十分止。

州內東至太平洋，西連歐羅巴，阿非利加南接印度洋，北枕北冰洋。

州內長二萬里，闊二萬一千里，總計之六百億方里。

質論

州內山嶺眾多，中有四山南北平列，曰阿爾泰、天山、崑崙、希瑪拉雅，又名雪山，乃地球中至峻者，皆在俄羅斯、印度。

度之閒温的牙東高的斯西高的斯尼克利皆在印度內
外興安在滿洲蒙古之閒雲嶺南嶺北嶺皆在中華印度
固斯在阿富汗西域之閒葱嶺在西域新疆之閒烏拉嶺
在俄羅斯西界高加索斯在裏海黑海之閒道羅斯在土
耳其黑沙斯在亞喇伯至於火山州十
七座島二十九座東方爲多隨後註明



原州內高原延袤莫比。西藏波斯之義嚙爲首。印度之德刊亞喇伯土耳其間有數處次之。又有疴比河也。尼塞河勒那河恆河怒江等涯岸甚廣郊野曠遠在俄羅斯境稍有沃地此外則皆一望無垠藪澤相閒沙漠靡際大半在

西域蒙古阿富汗波斯亞喇伯諸國

州隅東曰堪察加高麗南曰安南暹羅緬甸

馬來皆爲一隅印度亞喇伯西曰亞那多里

州內之角曰東北角塞威內角在北冰洋東角在白令

海峽羅巴德加在堪察加南羅瑪尼在麻喇甲南哥摩令

在印度南拉

斯拜在紅海

州外島嶼甚多其大者在北冰洋有新西卑里太平洋

有撒加憐古里利日本琉球臺灣南海有瓊州新加坡耶

度洋有錫蘭瑪地維斯拉加底維

斯地中海有居比路羅底斯等

州內海之大者東有堪察加疴荷次克日本中華東

海南有中華南海亞喇伯海西有紅海地中海黑海

州濱海灣之最者一名疴比通連北冰洋一名亞那的
通連堪察加海一名直隸通連中華東海一名東京一名

暹羅通連中華南海一名孟加拉瑪大板通連

印度洋一名堪北一名波斯通連亞喇伯海

州屬海峽不一東北有白令在亞西亞亞墨利加之間

東有庫頁在庫頁島滿洲之間北路西在日本庫頁島之

間南有新加坡在麻刺甲新加坡之間麻刺甲在麻刺甲

蘇門答臘之間巴爾克在印度錫蘭之間巴白曼德在紅

海口

州內之河紛繁其至長者南有印度河流入亞喇伯海

恆河雅魯藏布江怒江流入孟加拉海灣湄南河流入暹

羅海灣瀾滄江流入中國南海北有荷比河也尼塞河勒

那河皆流入北冰洋東有黑龍江流入荷荷次克海黃河

揚子江流入中國東海西有阿母河約林河流入

鹹海幼發拉的河底格里斯河流入波斯海灣

州內之湖一名加斯批安即裏海在波斯北方一名阿

喇即鹹海在西域一名庫可諾爾即青海在蒙古一名死

海一名汎湖在土爾其一名貝加爾

在俄羅斯南其餘各湖不可勝數

則暑溼東西溫和北則嚴寒南

則暑溼東西溫和北則嚴寒南

地質 州內寶藏蕃衍取之不盡因採法未精遂不多見止
有水晶藍寶石瑪瑙白玉珊瑚五金水銀金剛鑽石炭煤

鹽礪砂等

草木 州內草木之生各土不同北方嚴寒磽瘠百卉蕭條
中則土燥沙磧相雜草木不茂穀菓甚稀西方溫和沃肥

草木穀菓茂盛南方田土豐腴草木紛繁花卉
卉嬌媚東方山谷膏壤草木花卉向榮競茂

生物 州內禽獸充斥昆蟲蕃衍印度莖地錫蘭海島產象
虎狼猴犀牛波斯亞喇伯產凶獅猛狼山狗獨峯駝生於

南方四不相育於北域麝香出於西藏貂銀鼠熊鹿蕃衍
於北域其餘禽獸昆蟲種類紛繁名色各具處處有之

政論

百四 本州人民
統計入千億口

教 州內之教甚多中國有儒釋道三教印度有梵教
亞喇伯波斯等有回教俄羅斯等有天主耶穌聖教

藝 州內技藝工巧製造精奇如波斯地
蘇印度細布中華磁器日本油漆等物

州內太古之時萬民始祖肇生於此其後漸漸繁昌散居各處始分各國印度最稱強富禮儀始興西有毗連數國擅天下權彼時土壤之大人多不識厥後客商往來漸通州內迨宋時成吉思可汗征服蒙古中華俄羅斯歐羅巴數國人始知西亞之廣闊適值歐羅巴貿易初興商賈東西南方盡通惟北界渺茫明時俄羅斯商行其處販運獸皮回述所見俄羅斯皇帝遣人採訪以兵征之後乃賓服遂定州之北界

州內政事大同小異律例法度歷來皆有政事之遞變不一端帝王之代更非一姓朝章國憲時有沿革新君遷都糜費不貲國土既多朝政亦異或稱帝或稱王或為相或為牧名號各殊爵位亦異

州內學俗優絀不同昔時為五州靈敏之最今則大遜於他州至人性情或端莊嚴肅或卑屈狡獪其大者不過親族和睦慎終追遠而已然通都大邑貿易甚多禮學兼優狹小之區俗粗慣切匿僻荒郊欲知本州之風當觀以下各

國之志

州內國之大小不一曰中華滿洲蒙古新疆西藏高麗日本琉球安南暹羅南掌緬甸馬來布魯克廓爾喀印度

錫蘭、俾路芝、阿富汗、波斯、西域、俄羅斯屬地、土耳其屬地、
亞喇伯、至大英、法蘭西、葡萄牙、荷蘭等國兼攝之地、後附
各處分
晰註明

一
二
三
四
五
六
七
八
九
十

一

一
二
三

一
二

一
二
三
四
五
六
七
八
九
十

中華國志

中華在亞西亞之東、緯線自赤道北二十度起、至四十一度止、經線北京偏東七度起、偏西十八度止、東連太平洋、西距蒙古西藏南至南海交趾、北接滿洲蒙古長五千里、闊三千六百里、總計五百三十五萬里、其形勢北自長城起、至安慶止、崗巒隱現、原隰延袤、瀕海之區、低淤卑下、土田肥沃、米麥茂盛、中則山清嶺秀、草木紛繁、農耕盡力、南則峯巒巖巖橫列、西東樹林叢密、風景清醇、河之大者曰黃河、揚子江、直隸之北河、廣東之珠江、均水路通衢、商賈輻輳之區、又有湖之大者曰洞庭、曰鄱陽、地利不一、氣候

各異大約北寒南暑東溫和西燥熱至於寶物隨處有之
採取未精遂不多見茲所產者金銀銅鐵水銀白鉛寶石
煤絲茶糖藥料等草木蕃衍禽獸充斥

中華太古之時荒遠難稽及今延四千餘載粵自開基以
來人多蒙昧迨教以人倫食以五穀制文字服衣裳或士
農或工賈皆由歷代訓導而成春秋時五霸迭興諸侯各
據干戈互起禮義不行孔子刪述六經大道以明迨乎七
國崛起爭雄並峙嬴政挺生始行兼併無如民力彫殘武
功不備遂致外邦擾亂久而後定漢晉六朝唐五代宋皆
有戎狄之患元乃旃裘毳幕碁布北庭未幾至明享國祚
者二百餘年大清龍興艮維奠基藩遠昔限異方今歸
典屬道光二十二年有大英諸國與中華定和約開五處
海口通商廣東廈門福州寧波上海咸豐八年再定和約
又開五處瓊州臺灣汕頭登州牛庄後又開揚子江鎮江
九江漢口宜昌咸豐十年又開天津華頭通商又定外國
欽使居於北京以議公政更有大英代理者駐重慶待內
地滂通朝綱皇帝歷代傳男長賢出自上意政治惟若操

持取士專以帖括詩詞歌賦學者惟務文章經傳子史至於民間貿易繁盛戶口約規三千億所奉者儒釋道三教又回教天主耶穌教

通國分爲十八省詳列於左

直隸省在中華極北東達山海關西距長城殺虎口北控邊塞蒙古南界海及山東冬則嚴寒夏則炎熇順天府爲京都周圍四十里城分內外又二十八里宮殿雄壯衙署寬大街市喧闐人民錯處貿易殊盛海口在天津府爲水陸之通衢津梁之要害繁華奢麗統府十保定爲首府乃省會也通省地瘠農勤土產煤鹽穀菓牲畜等

山東西有運河東臨滄海中開山谷豐腴不等地曠人稀

耕作維艱、往往謀生異土、產絲、靛、黍、麥、菓、棉、布等、統府十、
濟南爲首府、其省會也、

山西壤地褊小、崇山峻嶺、地不豐饒、居民勤苦、北控邊塞、
西南界黃河、產煤、麥、菓、煙葉、棉花等、統府九、太原爲首府、
其省會也、

陝西嶺峻谷深、土地膏腴、產鉛、玉、馬、牛、絲、大黃等、統府七、
西安爲首府、其省會也、

甘肅地近新疆、民多健壯、東則山嶺森嚴、西則沙漠無垠、
人稀地瘠、五穀無多、產氈、水煙、礪砂、樺皮等、統府九、蘭州
爲首府、其省會也、

江蘇 土壤膏腴，山水清秀，產絲綢緞羅綾絹縠等物，統府入江寧爲首府，地方闊大，總督駐劄之所，統府入蘇州爲首府，其省會也。上海縣濱海，各國洋商多聚於此，洋船艤泊，洋房高矗，電線流通中外，自來者有火與水，并馬車等，各處相通。

安徽 邱陵聯絡，江河不絕，產布、茶、漆、墨、穀、菓、煙、蔴等，統府入安慶爲首府，其省會也。

浙江 山清水秀，土壤膏腴，蠶桑富庶，風景繁華，美麗，產絲、綢、鹽、茶等，統府十一，杭州爲首府，其省會也。

江西 山川相連，壤地褊小，居民勤勞，米穀積聚，鄱陽湖居

中景德鎮甄陶磁器運於天下產金銀銅錫鉛米絲茶木料書籍等統府十三南昌爲首府其省會也

福建山多嶺眾勤苦圖生廈門福州舟通外洋沿海之人以水爲陸產銅鐵錫水銀茶紙鹽菓等統府十福州爲首府其省會也

河南平原寬坦田疇豐盛黃河毗連民勤耕種產絲綢穀菓煙靛木料等統府九開封爲首府其省會也

湖北江湖潤澤田地豐肥產蔴鐵硃砂桐油竹茶魚獸等統府十武昌爲首府其省會也

湖南爲洞庭南界其地居民大半以捕漁爲業尙有土人

苗裔產桐油、水銀、硃砂、鐵、麻、黃蠟等。統府九。長沙爲首府。其省會也。

四川 地土最腴，米穀積聚，山川險峻，洞峽深邃，與西藏綺壤相錯，商賈輻輳，舟車往來，川江爲揚子江上流，產金、銀、銅、鐵、錫、鉛、茶、絲、綢、鹽、藥材等。統府十二。成都爲首府。其省會也。

廣東 北山嶄巖，腰斷水路，海濱舟艇，蜂屯蟻聚，產珍珠、絲、綢、穀、菓、蘇、靛、魚、鹽、煤、炭等。統府九。廣州爲首府。其省會也。此外有地名香港，現屬於大英，有英國大員駐紮於此。洋船聚泊，商賈輻輳，極其茂盛。

廣西樹林叢密山谷紛繁曠田沃野五穀蕃殖產金銀銅鐵布藤桂皮等統府十一桂林爲首府其省會也

雲南山川森密沙內多金地利沮洳田畝卑溼土司苗裔各自分居產茶鹽金石等統府十四雲南爲首府其省會也

貴州地近苗獠人多强悍五穀不豐地形狹隘產金銀銅蔴木銀硃砂禽獸木料等統府十二貴陽爲首府其省會也

十八省外又有屬地滿洲蒙古新疆西藏其略備詳於左

滿洲在亞西亞之東，緯線自赤道北四十二度起，至五十八度止，經線中華北京偏東自四度起，至二十六度止，東界日本海，西連蒙古，南至高麗，東海，北接俄羅斯，長三千里，闊四千里，總計一千三百五十萬里，煙戶稀疏，約僅四百萬口，山峯環峙，形勢綿互，密林叢菁，地氣凝結，朔風凜冽，雨雪霏霏，北方嚴寒，土地荒蕪，居民鮮少，專以漁獵爲業，南漸和暖，土壤稍肥，民多開墾，勤於農事，獲益頗多，中皆原野砂鹽，堪以游牧，河之大者，北曰黑龍江，南曰鴨綠江，湖曰比爾湖，烏倫湖，興該湖，近俄羅斯，開拓疆土，在北立埠貿易，大英憑和議，又開馬頭，在牛庄河口。

通境分爲三省，西曰盛京，爲清君肇基之地，設將軍都統奉天府，爲京都所屬城十一，其西曰錦州府，所屬城二，官員統轄同於北京，東曰吉林領城八，北曰黑龍江領城六，各設將軍都統，大小臣工不一，均係滿蒙漢三旗，咸豐九年，以吉林割與俄羅斯矣，土產人參，甚爲貴重，歲奉官符，採取虎豹，皆有熊羆，不一，狐貂獺鼠，江口珍珠，均以進貢，又產五穀藥材，至於金石，不甚開採，難以詳明。

蒙古志

蒙古在亞西亞之東，緯線自赤道北三十五度起，至五十二度止，經線中華北京偏東七度起，偏西至三十四度止。

東界滿洲西連新疆西域南至中華西藏北接俄羅斯長四千里闊五千里綜核之方四百五十萬里生齒較寡約計二百萬口地勢中與西高原沙漠餘則山嶺環繞湖河相閒水鹹土瘠穀菓草木稀疎河之長者曰巴稜格河札布噶河疴農河喀魯倫河湖之大者曰青海烏布薩泊齊桑泊伊克阿拉氣候嚴寒難以棲止風揚砂礫雨雪紛霏夏日薰燥天氣酷熱民俗强悍所處沙漠渺無涘涯春則驅畜沿溪游牧靡有定所冬時並無芻茭山坡避風之處消雪爲飲所餘草萊以養牲畜食牛肉飲馬酪以粗茶葉爲飲以乳爲酒四時穿皮永不沐浴氈帳爲家男女皆喜

乘馬田獵馳騁絕無遠慮。

至於朝綱各向羈據。迨元成吉思可汗出。賓服眾汗。設立部落。爲極大國都。所往得利。嗣子繼位。歷世無道。人心離漢。遂爲大清之屬國。有王。有貝子。貝勒。公。侯。伯。子。男。等爵。世襲。各汗皆要納貢。每歲必須朝覲。崇奉佛教。其僧自居菩薩。土人視之如神。

通境分爲四段。一曰內蒙古。在沙漠南。分六盟。二十四部落。四十九旗。二千家。一曰外蒙古。踰大漠北。分四路。八十六旗。各路一汗。一名車臣汗。一名土謝圖汗。一名三音諾汗。一名札薩戈圖汗。各有職守。不得紊越。一曰烏理雅蘇台。在外蒙古西。有買賣城。爲中華俄羅斯貿易之所。所屬科布多。分十一部落。三十一旗。唐努烏梁海。分二十一佐。

領一曰庫可諾爾卽青海分五部落二十九旗其餘小部不能僂指算也土產玉騾馬駱駝野獸氈毯泥大黃蔴菇

新疆志

新疆又名東達爾給斯丹在亞西亞之中緯線自赤道北三十六度起至四十九度止經線中華北京偏西二十度起至四十五度止東連甘肅南接崑崙山戈壁西界西域北至阿爾泰山卽金山長一千里闊四千里總計一百五十萬里戶口散處約六十萬其地以天山分岐南曰天山南路爲首北曰北路次之南路大半戈壁三面山崗內有

原野皆係砂磧石灘鹵鹹四時多風春閒尤甚風至天地
黑暗黃霾人畜難行拔木揚沙雨澤缺少沙石爲炎日薰
爍故夏多酷熱地氣高燥與天山相近故冬日嚴寒開墾
播種惟依山流雪水以滋灌溉草木鮮少河之大者曰塔
里木數河匯歸沿流於羅布泊博斯騰泊四面砂磧少耕
多牧南路分爲入城一曰哈拉沙拉屬城村十有五最著
者庫爾勒布古爾貿易平庸民多田獵一曰庫車屬城村
二十七緊要之區途閒柳樹一株周十餘圍樹孔清泉流
出有若酒醴甘美異常是爲靈泉阿克蘇屬城村三十六
內有石洞溫泉浴之可以療疾喀什噶爾屬城村十有六

爲商賈聚集之所、葉爾羌屬城村最多、大者二十七、浮圖古塚遺跡頗多、爲貿易之通衢、往來之要地、罪人遠戍邊疆、多聚於此、和闐城有六、相傳內有金礦、不甚開採、烏什屬村十有一、有蟠柳一叢、森然挺秀、枝幹扶疎、高數十丈、英吉沙屬城村十有七、北路沙漠紛飛、山嶺險峻、冰雪凝聚、道路崎嶇、樹木疎少、火山遺跡、地常震動、冬日極寒、夏日炎烈、犯罪者多流於此、開墾耕種、河之大者、曰伊犁、河湖之大者、曰齋桑、曰特穆爾圖、岸堤蘆葦、藪澤游牧、內分三城、曰伊犁、蓋省城也、曰庫爾喀、喇烏蘇、曰塔爾巴哈台、原通疆自漢常侵擾華夏、迨元成吉思可汗征服、明時又不歸王化、及大清乾隆時、始行底定、所奉俱回回教、

定制設兵六萬，設將軍參贊駐防辦事大臣管轄，其餘統屬不一，俱係滿洲蒙古旗，並無漢缺。咸豐五年，其民背中華之制，竟十二年自主，後被中國克服，土產穀菓瓜菜五金玉石野禽異獸皮貨等。

西藏志

西藏在亞西亞之中，緯線自赤道北二十八度起，至三十五度止，經線中華北京偏西十六度起，至四十度止，東至四川西界北印度南接雪山北連崑崙山青海長一千七百里，闊七千里，戶口稠密，其地四圍山嶺險峻，嶽巖參差，高連霄漢，風烈異常，雪積懸崖，煙瘴侵人，中有曠野高原，亞西亞之河多發源於此，更有印度河藏布江流東西二脈，湖最大者曰騰噶里海巴哈湖，伊克湖，又有耶合池，馬

白達賴池、人民敬拜、呼爲聖湖、氣候不齊、寒熱太甚、夏秋高陸荒寒、深谷酷熱、冬春之際、揚風飛塵、沙磧紛霏、田土瘠薄、樹林疎少、山場平陸、均難耕種、與中華印度通商貿易殊盛、商賈往來、道路維艱、山崩地裂、賴高橋繩索攀援而過、技藝製造略精、所出不過珍珠玉寶毛貨、

其土令初荒遠難考、迨成吉思可汗征服後、屢相侵擾、至康熙時始平定、差遣駐藏二大臣、管理政務、文詞兼備、文理不甚可解、風俗女強男弱、崇奉黃氏佛教、僧有權勢、其首稱喇嘛、亦名活佛、凡事無不聽命、寺刹紛繁、僧徒遍地、通境分爲二藏、曰前後、前藏八城、布達拉乃京都也、達賴喇嘛及中國前藏大臣駐此、後藏七城、札什倫布乃首城也、札什喇嘛及後藏大臣駐此、每歲進貢中華土產牲畜、

五金等魚族甚繁，因佛教禁止，故不敢食耳。

高麗國志

高麗在亞西亞之東，緯線自赤道北三十四度起，至四十三度止，經線中華北京偏東八度起，至十八度止，東界日本海，西至中國東海南接海峽，北連滿洲，綿亙九百里，廣袤五百里，總計三十萬方里，民七百萬，其地濱海，島嶼羅布，遍處港汊，停泊穩便，山川絡繹，峯嶺疊翠，田土豐肥，稼穡繁多，穀菓茂盛，氣候寒涼，冰雪凝積，霧露迷離。

至於朝綱，歷代相傳，其國初屬燕都，漢時有高姓名句麗者，乘鬻奔至其地，遂曰高麗，本名乃朝鮮也，屢次叛擾，唐時征服，始進貢中華，王由中華封職，政事惟君自主，亦聽命於中國，文學禮儀稍優，言語技藝，間有不同，貿易止與

日本中華相通、今年本國與大英花旗等國共立和約、又定數區通商、所奉之教、士則業儒、俗則崇佛、更有天主教、通國分八省、一名京畿、乃京都也、首府名漢陽、在國之中、又有平安、京州等、土產人參、珠鐵、錫米、蔴禽獸等、鱒魚甚庶、

東洋羣島志

東洋又名北平洋、在亞西亞之東、直抵亞墨利加之西、島嶼羅列、附近中華最大者、曰日本國、緯線自赤道北二十九度起、至四十四度止、經線中華北京偏東十四度起、至三十度止、西至日本海、北接疇可斯革海、長三千餘里、闊六七百里、總計一百萬方里、戶口約三千三百萬、地勢崎

峴峯巒險阻有數火山晝夜吐燄不息地常震動亦有數
 山冰雪凝聚難於消融谷潤土肥川河狹小海灣甚多舟
 商輻輳氣候頻更冷熱俱甚樹林稠密花卉紛繁風景迥

殊

朝綱歷代傳男世爵紳士等聚眾共議參決政事所崇之
 教神道為首釋次之又有天主耶穌聖教文詞堪嘉官皆
 世祿仍漢制屋宇街衢俱極潔淨技精藝巧貿易殊盛向
 惟與西洋葡萄牙荷蘭二國通商近有大英花旗諸國與
 之和約開數海口通商曰長崎曰本音那喀撒幾曰箱館
 日本音哈喀塔提曰浪華日本音痾撒喀曰兵庫日本音
 希麻歌曰橫濱日本音約喀哈瑪曰新瀉日本音尼依嘎
 塔洋艦聚泊商賈較前尤盛國人勤敏嗜學多開書塾習
 英語欲博通別國各項文學藝術現有大員選數人送至
 英法日花旗等國參考窮究待至數年學術精明復歸本
 國

通國平列三島，曰葉沙華，音業梭也。日本九守，共有三十
五省，東京爲京都也。土產五金、茶、絲、竹、木、玉石、油漆、磁器。
琉球國在日本之南，緯線自赤道北二十四度起，至二十
八度止，經線中華北京偏東十一度起，至十三度止，四面
枕海，其大者綿互二百里，廣袤四十里，自西南至東北約
計一千七百里，其地島嶼蟠紆，形若虬龍之流動，人煙稠
密，天氣清嘉，川澤滌洄，峰巒聳秀，冷有崗陵之可蔽，熱有
海風之能解，土壤膏腴，穀菓豐盛，草木零落，禽獸鮮少，
風俗循良，藝不精巧，利不流通，作事維勤，交相黽勉，海風
最烈，王居與使館較軒昂，崇奉釋教，至於朝綱，歷代相傳，
國小而貧，屬役良苦，每歲獻貢中華，日本販鬻土貨，賴以
爲生，倘王薨，則世子請中華命，遣使持節册立，故其國之

風俗多有與中華相近者。邇來日本取其島爲屬地。然尙未定局。

通國三十六島相距不遠。最大者曰琉球島。國之京都卽在其中。土產珊瑚、珍珠、樟腦、硫磺、銅、鐵、茶、薑等。

庫頁島又名薩加連。在滿洲之東。長二千里。闊數百里。總計九十五萬里。南北峯巒聳翠。林木紛繁。中央平原坦闊。藪澤沿海之處下陷。砂磧水漫。氣候嚴寒。霧露迷離。五穀不登。少有黍稷。以漁營生。貿易止通日本滿洲。人身短小。言語文詞。自成一律。產木料、魚、穀、煤。其島俄羅斯人。今已開闢土疆。

浙江外有數百島。內多灣泊之處。商船絡繹。景色維新。最

大者曰舟山，長一百五十里，寬七十里，土沃民勤，都城曰定海。又有普陀山，俗呼爲極樂園，僧徒廣眾，寺刹紛繁。臺灣島與福建相嚮，南北東西周一千里，總計七百萬里，內有大山，冰雪凝凍，有數火山遺跡，熱河火井，地震風烈，河多快迅，平原草木茂盛，中分二土，西居華人，約規二萬萬，東居土番，各分部落，天氣清和，秀麗堪嘉，產金、銀、菓、硫磺、杳礪，與廈門、福州交易。

澎湖共三十六島，地面下陷，山谷稀疏，草木荒蕪，以漁營生。

瓊州長六百里，寬二百三十里，在廣東外，內多峯嶺，天氣

安南國志
涇瘴日用有資，戶口約有一百萬，其民多行劫掠，不知禮儀，向背教化，土產珍珠、菓糖、檳榔、沉楠、香木。

安南國志

安南在亞西亞東南，緯線自赤道北九度起，至二十三度止，經線中華北京偏西七度起，至十四度止，東南界中國南洋，西至暹羅北及中國，綿亙三千里，廣袤六百里，總計七百萬方里，戶口二百億，其地瀕海，藪澤相間，山谷幽深，原隰曠遠，氣候和平，雨暘時若，霧露網緼，萬物化醕，瀕海之區，間有颶風暴雨，河之大者，北曰富良江，南曰瀾滄江，河水澄徹，土壤豐稔，草木暢茂，禽獸繁殖，以及鱗蟲之屬。

穀菓之細蕃衍充斥焉五金各鑛無不畢備

至於朝綱王位歷代相傳秦以後唐以前皆隸中華版籍漢末林邑卽自立爲國稱古城後五代時乃列外藩今井古城復兼眞臘北境安南故土南則古城眞臘故地光中王冲幼被難與遺臣遁於海島遇法蘭西教師投契共懷義憤興兵相助恢復滅仇復國光中王感相救之恩又募西洋兵法遂訪歐羅巴式造兵船火器訓練士卒衣冠仍唐宋制坐則席地貴人方設短榻飲食用金銀盃盤取士設鄉會科用文詞詩賦士大夫皆好吟咏卽劣不成句亦喜爲之文武官與中華略同每歲入貢中國廣閩船恆通商其地近年天主教人日漸滋多嘗遺窟逐故法蘭西王遣兵船赴門戰勝已得廣土開馬頭在內地地方亦其所管轄其民精於技藝工於貿易所奉之教儒釋不一

通國分爲三土一曰唐外又名東京在北方首府給卓乃都城也本爲土人之地強占據之東南土臨海曰唐中又名古城首府曰順化又名呼艾乃京都也國王居此繁華

富麗商賈輻輳兵卒士甲多聚於此有軍器火藥局築炮臺極堅固炮數百門防護甚嚴難以攻取城周二十里石濠廣二十餘丈屬城三十各數千戶王宮及官舍皆面東城門上有石佛頭五飾以金國中有金塔金橋王之寢宮皆用鉛瓦歲時相會則羅列玉猿孔雀白象犀牛於前富厚無比西南土臨海曰干浦寨昔本大國茲已衰微戶口約九十萬烏塘爲京都更有大城乃農本堪保又有法蘭西屬地柴棍卽京都也戶口一百六十萬其二地戶口悉在本國數中土產五金絲茶漆靛麻棉檳榔沙藤肉桂胡椒象牙木料沉楠諸香

暹羅國志

暹羅在亞西亞東南，緯線自赤道北四度起，至二十二度止，經線中華北京偏西十一度起，至十八度止，東界安南，西連緬甸，南至海灣，北接中國，長四千里，闊一千五百里，總計一百零八萬方里，煙戶五百萬口，地勢南則傍水有糧，北則倚山食艱，西方重崗疊嶺，莖林稠密，餘則邱阜寥寥，廣野低淤，河之大者曰湄南，上淺溜急，下深廣闊，田疇藉以肥沃，農時掉舟耕種，秧插水至不煩，薈漑水退稻熟，米穀豐收，載出售賣，氣候燥溫，風雨依時。

至於朝綱，歷代相傳，君自爲主，臨朝端坐，威儀甚尊，百官偏袒跣足，屈膝蹲身，盡禮致敬，稱謂以金爲貴，王號禁言。

理國政財賦多以閩粵人為官屬明時法蘭西侵擾敗績
清時自尋干戈時事屠戮緬甸攻取不支議和迨乾隆

時廢立舉行名器更易有哥羅馬
甲者立其後兵革斂戢國事乃定

人民大都似頑實黠似惰實勇性善泛愛一見甚殷勤稍
拂輒反目游惰度日不尚技藝凡事苟且節儉惟修建寺

宇窮極奢華俗奉佛僧皆募食若無舉火者又信番僧佛
咒所奉乃釋教或奉別教概不予禁貿易興隆商賈增盛

技藝精巧禮義
中等男逸女勞

通國分爲四土東土曰猶地亞首郡名邦哥乃京都也建

於湄南河濱宮殿磚瓦華人構屋樓閣相望土人架屋水

中皆居蘆葦西土曰萬丹北土曰老撾屬地南土曰馬來

屬地土產五金燕窩虎豹犀象荳蔻沉香胡椒木料等

馬來隅志

馬來在亞西亞東南，緯線自赤道北一度起，至十二度止，經線中華北京偏西十二度起，至十八度止，東西南三面皆海，北界暹羅，長二千五百里，闊狹不一，或二百里，或六百里，總計九萬方里，戶口二十萬，南北山嶺穿貫，餘則莖淤野阜，樹林叢茂，河多水小，最大者曰彭亨河，曰穆阿爾河，土田磽瘠。

居民懶於耕種，不近禮義，技藝庸拙，漁獵營生，五穀不多，菓實裕盛，禽獸充斥，魚鹽豐盈，氣候不一，暑熱甚多，晚來風涼，所奉乃回回教。

通隔之地，有斜仔、六坤、宋卡、大啤、吉連丹、丁噶奴、吉德等部，爲暹羅所屬，南方數土，一名馬刺甲，明時葡萄牙據之。

旋爲荷蘭所奪。至清嘉慶時，地歸大英，立爲埔頭。西北海口有島曰檳榔嶼，閩廣居民五分之一，亦歸大英管轄，生意繁盛。

其餘彭亨、沙刺我等土，自立爲王，賴英保護。

海濱有島曰息力，又名新加坡，樹木稠密，藪澤相間，溪水混濁，貿易興隆。其地當南洋西洋之衝，爲諸海國之中市。英人免稅，以聚商船。西洋夾板、閩粵島船、南洋諸國之船，時至。帆檣林立，東西之貨畢萃。爲南洋西畔第一埔頭。英人築樓館以居，建書院，設學堂。其戶口大英所屬馬來、隅及所屬緬甸之地，共二十六萬口，內有高峯，山水清勝。土

產金、錫、蜜、蠟、燕窩、荳蔻、檳榔、血竭、兒茶、象牙、牛皮、木料、巴馬油等。

緬甸國志

緬甸在亞西亞東南，緯線自赤道北十六度起，至二十七度止，經線中華北京偏西十六度起，至二十三度止，東至中國暹羅西連印度，南接孟加拉海灣，北界亞桑，長三千里，闊六百里，總計八十萬方里，戶口四百萬，其地之北重山疊嶺，嶄巖參差，南則平原曠野，頻患水災，西則邱陵寥落，峻峭無多，湖河縱橫，沃潤貫徹，河之大者曰怒江，支汊分流，舟楫往來，商賈輻輳，田土豐腴，氣候不一，風雨及時。

雷電交加

人民學文詞書籍編貝葉貴者以象牙爲篇頁以金飾邊藏書尤富專以講論神明爲主如史記音樂醫畫皆爲雜說禮儀技藝平庸飲食無節屋宇最陋藤架席牀以苦覆之既無傾壓之憂亦免搖動之戚磚瓦屋宇寥寥無幾貿易興隆崇奉釋教事佛敬僧有大事抱佛說誓質之僧然後決

至於朝綱政由自主歷代臨御進貢中國官不世祿初爲北沽管轄迨後別爲一國乾隆年間賊寇猖獗北沽人攻奪本國人率眾逐之大獲全勝興緬立業踐祚爲君其後歷代恢擴先是英吉利割據東印度將及緬甸緬王率兵迎擊英師敗績既而英以兵船入內港緬人奮力鏖戰爲炮火所轟而潰英師逼都城王不得已議和獻洋銀犒軍割海濱爲埔頭

國分二土十一省北土曰阿瓦昔之京都亦同此名建於

怒江之左於道光十九年閒地忽大震傾圮茲京都名滿

大來、又有貿易之區、名巴麻南土、悉大英所轄、曰北古、都城郎昆、阿啦干、都城阿加比、德那薩靈諸省、其中有木爾們、爲大海口、更有巴森、瑪德般等城、併有亞桑地、山嶺峻、莖淤荒郊、煙瘴侵人、閒有膏壤、前歸孟加拉統轄、近特駐一官、都城曰溝哈底、在藏布江濱、其地方里七十萬、戶口六百萬、其怒江口有大埔頭、曰郎昆、爲西洋人貿易之所、又有通商之地、曰波羅美、巴森等、咸豐二年、其土官吏抽稅太重、英商稟於印度總督、使與緬王斟酌、而其胥吏橫征更甚、於是英以兵船至郎昆、戰勝之、嗣後北沽全土、皆爲英所統轄、去年緬王與英公司、結一和約、開通道路、

可便經華地雲南爲貿易土產五金寶石棉煙蔗嘉木龍
穀菓猛獸充斥

南掌國志

南掌又名老撾東接安南西緬甸南暹羅北中國民百餘
萬

至於朝綱原爲強國乾隆時服於緬甸其大半
後爲土司專轄南方屬於暹羅民和耕種爲業
地分三土曰上老撾拉多蘭長土產與緬甸暹羅同

布灘國志

布灘一名布魯克在亞西亞之中緯線自赤道北二十六
度起至二十八度止經線中華北京偏西二十四度起至

二十八度止、東至亞桑、西界細徑、南接印度、北連雪山、長
一千里、闊三百里、總計十五萬方里、地分三土、北則嶄巖
參差、行路維艱、河流如箭、爲雅魯藏布江支汊、橋梁繩索
奇異、賴以攀援而過、中則漫坡闊谷、沃土勤種、穀菓皆宜、
南則削巖深狹、樹林荒草、莖淤瘴癘、侵人野獸、充物時序
不一、北冷南熱、中和風雨、依時生齒、紛繁技藝、商賈平庸、
人民勤健、所崇乃釋教、原爲紅教喇嘛、總持之地、故與西藏之奉黃教同、僧徒甚眾、
至於朝綱、歷代相傳、其民素好劫掠、侵欺印度屬地、印度
因使臣勸立和約、議和其民强悍不服其論、因此興兵受
侮、失其土地、

通國分二省、一曰德白拉乍、首府名大西蘇敦、乃京都也、

一名比斯尼、首府同名、土產棉花、大黃、黑金、紋石、馬牛甚
俊麗、

尼伯爾國志

尼伯爾又名廓爾喀、地當孔道、貿易紛繁、故其名獨著、在
印度東北、緯線自赤道北二十六度起、至三十一度止、經
線中華北京偏西二十八度起、至三十六度止、東西南皆
界英之孟加拉、亞加啦屬部、東至西京北毗連雪山、長一
千五百里、寬三百五十里、總計十八萬方里、戶口二百萬、
地形狹長、幅員非廣、北境雪山、嶽崎谿衍、凌摩霄漢、中藏
川谷、南多林木、終年積雪、煙瘴人觸之則疫、河之大者、曰

根德曰庫西田土肥沃

居民游牧耕種文詞禮儀堪嘉強很多力面色尚不甚黑俗崇佛教紅黃喇嘛不操大權

原本國舊分三部康熙年併一國英人於藏孟加拉時乘勝脅攻諸部皆降獨尼伯爾血戰保守禦敵未遭蠶食且屢屢攻英屬部乾隆年間侵擾後藏大掠札什倫布中國勁軍征之累戰克捷逼其都城英人亦乘釁擾其邊廓夷震恐遂降於中華五年一貢由四川北上嘉慶時與英交訖屢次構兵互有勝負後尼伯爾以南極地歸英乃平和通國分九部曰尼伯爾首城名加德滿都其京都也宮室輝煌屋宇輪奐街衢喧闐城市雄壯曰念四汗首城名廓爾喀曰念二汗曰瑪各王不爾曰幾拉德斯曰加當曰札言不爾曰薩巴帶曰麼隆土產麥穀甘蔗棉花丹參肉蔻等

印度國志

印度在亞西亞之南，緯線自赤道北入度起，至三十四度止，經線中華北京偏西二十四度起，至四十九度止，東連緬甸，孟加拉海灣，西接阿富汗，俾路芝，阿喇伯海，南至印度洋，北界西藏，長六千里，闊或五千里，或數百里，總計之方約六百萬里，戶口二千五百億，其地北境有雪山，高凌霄漢，東西南山巒環繞，中間數千里，悉屬高原，界之西北有沙磧，餘則廣野淤澤，河之大者，東北曰恆河，藏布江，東曰哥達惟喇河，吉斯德那河，西北曰印度河，西曰逆埔他河，加惟喇河，氣候迥殊，寒暑各異，迤北則涼燠咸宜，迤南

則炎熇殊甚。田土腴瘠，林翳草叢，禽獸蕃衍，土產珍珠、瑪瑙、鴉片等物。

居民錯處，不一其類。其人身短色黝，面扁額高，姣好者絕少。外尚柔和，內懷私意，似頑惰實黠勇，自以爲是，好高務遠。昔時文學禮儀，彬彬然稱望國。今則久已荒棄矣。然古建宮殿宏麗，礮臺堅固，各方猶存商旅往來，肩摩轂擊，製器精巧絕倫。其地爲象教從出，著名已久。

至於朝綱，後漢始通中國。唐時常入貢，宋時爲回部侵割。元起北方，括地西南，明太祖時西域帖木耳征服西北，印度始立。莫臥爾之國，其後諸部錯亂，至嘉靖時巴卑爾嗣位，至憲宗復征服中印度，分王其地。由是五印度爲蒙古別部。明嘉靖時莫臥爾攻取中印度，立國於此，其勢甚張。崇禎回黠佛諸部無不投誠，久而凌夷，時被侵伐。宏治時葡萄牙航海至印度，之孟買開港，建城通市，致富。荷蘭妒之，以兵船攻奪其地，設立埔頭，獲利數十年。清初英國公會遣商駕舟至印度，之孟加拉築礮臺，建客館，有公司統管。乾隆二十年孟加拉執英人囚之於獄，英以兵攻之，遂取

印度國志

孟加拉樸勞進擊諸部，諸部力弱心換，各潰而奔，或爲英取，或聽英置吏，僅擁空名，或受役屬爲藩國，由是印度全土歸大英轄者十之九，英人設立官長，公會與英之大臣議，凡英人三萬，曰額兵，或屬公會，或屬英君，土人二十萬，曰叙跋兵，俱歸公司總轄，其餉均出公會，咸豐七年，公會孟加拉叙跋兵反，英起兵討之，屢戰獲勝，嗣後在光緒三年，英主爲印度君主，詔告四方，并傳諭印度與英成爲一國。

印度分爲三等，一大英屬部，二本地屬部，三外國屬部，其所屬大英者，昔分爲三：一孟加拉，二麻打拉薩，三孟買，今全地分爲八區，畧言於下：

一曰孟加拉，在印度東北大河環流，足資灌溉，曠野綽邈，皆莖淤之所，土壤膏腴，樹林叢雜，巒煙瘴雨，犯之必致疾疫，會城曰加爾各塔，建於恆河之濱，館舍宏廠，城垣鞏固。

園亭則麗如散綺，樓閣則皎如白雪，艘舶麇至，帆檣林立，其地商賈往來，貿易繁盛，爲印度之最，英之總鎮駐此，統轄全土，東曰勢他崗，山林深邃，中有野象，西南海濱，曰府黎薩，巒峻莖淤，瘴氣侵人，西北曰拍哈爾，景物繁華，田土肥沃，都城曰入的拿，乃洋煙多產之區，又城伯爾德萬，慕舌大巴，大客等。

一曰西北諸省，與烏德合而爲一，西北都城曰阿拉哈巴，又有伯那利斯，民人繁滋，商旅輻輳，爲印度文學薈萃之藪，更有大城曰亞加啦，在印度西北，殿宇峻整，衙署崇闕，於扼要之所，建築礮臺，明時西域之莫卧爾，取亞加啦地。

建國於此，凡歷二百三十餘年。當其盛時，印度諸國咸納貢稅。其後四鄰侵伐，求援於英師，未至。王爲敵擄，英率勁卒擊敗之。其地遂爲英有。隸入叛圖，王僅居宮殿，食俸精而已。又有剛卜爾亂時，士兵殺許多外人於斯，下其屍於井中。嚇德瓦爲眾人遊賞之所。烏德都城曰盧客腦，作亂時於此。久大爭鬪，迨英軍戰勝而平。西曰亞日迷爾，爲孟加拉總督所轄。

一曰本若比，在西北。沙磧居多，農夫頗勤耕植。內有五河，其流均與印度河相匯。地分三部，曰勞爾爲首都城，同名。建於拉維河濱，昔稱繁庶，今頗蕭條矣。然貨財轉輸，技藝

精巧南曰木爾丹次之都城同名乾隆年間酋長林日星兼併爲一戰必勝攻必取四鄰惕服英人於攻孟加拉時乘勝脅降諸部適值本若比國治兵強故止戈修好迄今嗣位者聽讒信佞國勢浸衰英遂連年大舉蠶食疆土至道光三十年屬於孟加拉其他城曰德立乃古王京都作亂時土兵動擾後英兵取勝宮室圍亭極其美麗曰北沙瓦爾曰錫米啦爲仕宦避暑之處此全地今已設官駐劄一曰中土諸省其都城曰如伯卜乃鐵路可通之所故其貿易特興又有那哥不爾其俗素沿強悍以劫奪爲能剽掠四鄰

一曰大英緬甸已載於緬甸志。一曰亞桑亦詳於緬甸志內。

一曰孟買其都城同名在印度之西沿山麓傍海濱地形狹而長萬厦雲連帆檣林立明時葡萄牙於其地開港建埔康熙年閒爲英所據建城設官駐劄統轄其地生意隆茂商賈輻輳附近有古建寶刹裝塑雕飾皆假山石而成奇形怪狀部名廟隆加巴舊屬回俗因遭地震遂以孟買爲會城東北曰根的士南有埔拿城清初瑪喇他建國卽都於此中有蘇辣城昔則商賈鱗集自市舶移於孟買此城日益蕭條矣西南曰北日不爾昔時宮殿礮臺園亭

無不宏整美麗至今遺跡猶存南海濱曰岡色爾極南瀕海之區名廂襪又曰信得道光二十八年英人兼併其地皆屬於孟買中有古啦支至要海口又有海德拉巴在印度河濱

一曰麻打拉薩在印度東南其城瀕海建於沙坡之上波浪翻騰潮汐衝激登岸最險英人築城設官以撫斯土專爲控扼南方部名加爾那的峯巒隱現郊野荒邈河水潑洄東北曰巴拉加城建山巔西南曰哥英巴都爾礮臺堅固海濱曰瑪拉巴爾山嶺崎嶇又西沿海曰加那啦第宅連亘靡弗峻潔自昔以來有猶太人三萬寄居瑪拉巴爾

分黑白二種等之高下殊相懸絕又奉耶穌教者十餘萬人聖經條約靡不遵從向卽居此恪守其教

印度本屬地共有四百六十餘部一等統於大英所轄最要者一曰克什迷爾在印度極北山峯環拱地多深谷土壤甚腴有溝渠以資灌溉穀菓豐稔俗尙繁華民爲商賈利於遠行無出門惘惘之態所出羊毛氈貨爲天下最宋時自立爲國後爲阿富汗本若比所取時相迫脅政猛如虎克什迷爾不能堪道光三十年英以兵取本若比遂爲英之屏藩曰細徑在印度北界尼泊爾布灘之間毗連前藏壤地褊小曰沽日啦德在印度西北英轄者三之一其

王名沽宜加爾，都城巴羅達。曰達拉王哥爾，在印度西南。都城曰的里灣德，二等貢於大英。曰喇日不德，在印度之西。東則田土膏腴，西則沙磧居多。江河匯流，灌溉有資。夙稱富饒。曰中印度諸部落，在喇日不德之中。省間其大者曰音都爾，又名新的亞。在印度之中，地形曲折迴環，不相聯絡，參差於別國疆域中。四面皆係英屬部落，繡壤相錯。首城瓜利耳，乃京都也。建於平原之上，礮臺堅固，屋宇峻麗，生齒繁庶。曰海德喇巴，在印度中南，都城同名。又名尼桑，屬地。又名德刊，時有變亂。其王投誠於英，遂借兵於孟加拉，以爲扞禦。英兵餉重，其王力不能支。孟加拉總督

強予之俾犒以餼糧以免攻伐之虞焉。曰賣索在印度之南素爲雄國焉其民力於農事樂於戰鬥都城曰西令加巴登內築營壘極爲堅固以屯軍士通商之地邦加羅爾曰沽的日在印度三面環海俗喜寇掠素稱盜藪曰邦德爾干在印度中各分部落諸酋統轄首郡曰札德爾不耳曰波保爾在印度中首郡同名

其餘畧有數邦納貢稱藩僅存故號英人設官駐劄代理其政其部以外更有自主之地其要者曰尼泊爾布灘其二地已載於國志下

外國所屬之地其數少而微一屬法蘭西有三小地一曰

麻打拉薩之南沿海曰本地治里爲法蘭西埔頭設總督
統轄以彈壓之一曰瑪喜在瑪拉巴爾海濱一曰山得那
哥葡萄牙所屬之地印度西濱昔爲大貿易之地今已喪
敗一曰的玉城地狹人稀歸葡萄牙統轄俗稱小西洋明
時葡萄牙取之建城設險四鄰咸服供其役事更有二海
口一曰大謀尼一曰底污○印度全土歸大英統轄者五
分之三其民受英教化大有裨益今英於其地創建書院
設立義塾闡揚正道駸駸乎學術日懋焉於是斯民去暗
昧以就光明黜異端而崇正學國賴以安綏祉可享矣

錫蘭在印度東南緯線自赤道北六度起至十度止經線中華北京偏西三十四度起至三十六度止長九百里廣五百里總計九萬方里戶口二百五十萬其地峻嶺高阜山川靈秀氣候和平田土膏腴花木紛綺湖河鮮美灌溉有資惟近海之地窪下多溼時有迅雷霍雨溫泉鹽池溝壑葦蕩閒有風起人觸之卽生疫癘禽族奇麗亦有鷺鳥猛獸錯處其中地產象土人驅之不啻常畜山多寶石雨時隨流而下每從沙中拾取蚌產明珠人多沒水求之五穀不足仰食於印度古時人民頗留心文詞技藝近則荒陋殊甚相傳佛生此地故居民尤崇釋教山下有寺貯釋

迦涅槃眞身及舍利子近亦有奉耶穌教者

至於朝綱明時葡萄牙於海濱立埔尋爲荷蘭所奪嘉慶年間大英遂去荷蘭時錫蘭酋長所行殘虐大失民望英人攻之內潰而去英遂有全島建衙署會堂義塾施醫局書院民臻佳境

通國分南北東西中五部各有英官駐劄京都曰葛倫巴英之大臣在此商賈輻輳爲西洋各國互市之地土產五金寶石椰子加非桂皮鴉鵲木料藥材等

俾路芝國志

俾路芝在亞西亞南緯線自赤道北二十五度起至三十度止經線中華北京偏西四十八度起至五十八度止東至印度西接波斯南臨亞喇伯海北距阿富汗長二千里

廣一千里，總計之方四十萬里，人民二百萬口。其地東南
崗巒重疊，森秀萬狀，餘則郊原平坦，砂磧曠遠，時多暴風，
犯之必致疫癘，氣候殊熱，冬時稍覺和煦，河流甚淺，夏日
常涸，田土磽瘠，五穀不豐，林木鮮少，禽獸蕃殖，其地居民
畧有二種，言語風俗迥相殊異，或尙畋獵，好逸惡勞，時有
報復之志，或力游牧，勤耕耘，所製器皿不甚精巧，皆奉回
教，國小而強，習於戰鬪。

通國分爲七省，曰薩啦魯，曰加支干達瓦，曰倭拉灣，曰慮
斯，曰美加蘭，曰古義斯丹，京都同名，曰基拉。

至於朝綱，部落甚多，皆服基拉，可汗爲酋長，亦並不受其
節制，諸城時爲酋蠻竊據，土產五金，礬，硫磺，礪砂，花石。

茜草、木
棉等

阿富汗國志

阿富汗在亞西亞中緯線自赤道北二十九度起至三十六度止、經線中華北京偏西四十六度起至五十六度止、東界印度南接俾路芝西連波斯北至西域長三千里闊二千里總計之方九十萬里、人民五百萬口、其地東北重巒疊嶂、頗稱險隘、進攻者不能深入、餘則郊原平坦、沙漠荒邈、河之大者曰喀布爾、希爾們、二河其餘支流不一、至山雪消融之際、溝澮皆盈、隴畝閒藉資灌溉、土田肥沃、五穀百菓、無歲不書、大有氣候不齊、夏多雨、陵谷之間、炎熇

殊甚冬則稍和然峻嶺窮巖之地朔風凜冽雨雪紛霏平原未嘗無祁寒焉風多疫癘觸之必斃

居民種類不一弗相聯絡性情勇悍時有戰鬪遇攻取之事無不效命疆場同心扞禦其俗惟事耕耘貨物轉輸則自波斯印度爲多然甚寥

落不爲繁盛所奉回教

至於潮綱有君曰沙部落甚多各有酋長統轄不服其權國本波斯東境明時有西域巴卑爾者爲印度酋暨食利達哈爾等自立爲國歷二百餘年康熙時波斯衰亂乘釁攻之遂併其地越十七年那第爾沙復興於波斯乃滅阿富汗後其國人亞美爾沙恢復故土歷代以來篡弒頻仍嘉慶時孟賊內訌國王被逐求援於本若比而反爲其所竊乃至印度求英爲外援英人帥師伐之連年構戰阿富汗人詭計百出強退英軍途中忽值嚴寒英軍斃者不可勝數明年英人大興師復仇獲勝而歸近時大英聞俄羅斯欽使至其京都與國君相通又恐漸取其權以害大英於印度故遣一使至其京都忽民興亂而殺其使與其共至者緣此大英更兵相攻克復其京都後相和洽

通國分九省，喀布爾其京都也。城堞壯麗，景象繁華。曰刊達哈爾，亦大都會。曰畿斯尼，古時商賈輻輳之區。曰羅客曼，曰日拉喇巴，曰希啦，曰發來，曰都札克，曰伊隆達爾土。產鐵、錫、礬、砂、硫磺、煙、木棉、丹參等。

西域回部志

西域回部，又名西爾給斯丹，在西亞中，緯線自赤道北三十四度起，至五十二度止，經線中華北京偏西三十五度起，至六十五度止。東界新疆，南至波斯，阿富汗西抵裏海，北接俄羅斯，長四千五百里，闊四千里，總計二百三十萬方里，戶口四百萬。其地東南峰巒聳秀，冰雪凝積，餘則

平原曠野荒郊半皆沙磧河之大者曰阿模河約林河湖
 之大者曰鹹海其田大半斥鹵經歲不雨瀕瀝者皆為腴
 壤氣候殊異冬則嚴寒夏則酷暑

民性好勇盜風甚熾商賈必結隊而行通市於俄羅斯印
 度中華工作技藝不甚佳妙惟一二部落能織布餘以耕

牧為業民不構室駕屋於車以便遷徙嗜馬肉
 殺馬飲血復嗜酒以醉為榮國俗大率若此

至於朝綱自漢盛時疆宇遂分變更者不一姓逮至元朝
 開拓西土蠶食諸部囊括無遺後又紛然割據或為蒙古

苗裔或為回部種類清時侵擾內地康熙中年親統六
 師以撻伐之遂致救平烽燧息警厥後餘燼復燃遣騎四

出鄰邦咸被侵噬未幾內亂作歟關請討乾隆初年命將
 西征應時戡定於是天山北之準部天山南之回部遍列

戍屯凡漢志所云西域隸中華版圖者十之六七其餘總
 名之曰西達爾給斯丹為游牧之區其國轉徙靡定客其

地者罕得而遍歷之亦無文字相通故未能悉其詳
 近時俄羅斯與之戰鬪得其土地甚廣未能細述

通國部落大小不一，難以縷指。他書博引繁稱，半多舛誤。綜其大勢，大者不過六七，居於東北者有，若行旅處於西南者，多建城郭。茲就其可據者臚於左。

一曰哈薩克，在北氈帳爲家，不藝五穀，散處於野，聚無定所，器皿皆木，富者則用銅錫，民有罪則與眾共議，輕者罰以牲畜，重者殺之，而析其產，戰鬪之事，王與眾約，不願者不相強，斯亦可謂順輿情者矣。

一曰布魯特，在中昔游牧於特穆圖泊左右，復遷浩罕，散處於新疆回疆之外。

一曰巴爾克，在南北鄙有城曰珂汗，繁富之區也。

地 理 志 卷 三
一曰博羅爾在東南不通回部言語衣冠猶彷彿似之人極貧苦歲收不過二麥桑甚頗多曝乾爲糧量人口以徵賦稅鬻子爲奴婢土瘠民貧此尤甚焉

一曰乾竺特在東鑿山而穴居人皆辮髮耳綴金環富者僅足自供貧者傭於他國民俗勤儉有古風焉

一曰巴勒提在博羅爾南冬甚嚴寒方屆十月雪已盈尺居民擇山谷溫處以蘆荻結窠人畜共居至三月雪消之際始敢出焉地產獨峯之駝

一曰浩罕在西城郭壯麗戶口繁盛林木深禱葱龍可悅植奇卉產嘉菓凡穀荳瓜蔬之屬靡不備而桃尤獨絕多

畜牛馬喜於畋獵巨蟒長蛇雄羆猛豹不一其種誠山君之藪穴暴獸所潛藏東有城曰安集延居民長於心計好賈遠遊不獲利不旋桑梓西有浩罕城元時所置撒瑪爾刊城卽在其西隅昔時亦稱爲繁富之邑今則鞠爲邱墟矣見俄羅斯志下

一曰塔什干在中樹林暢茂花卉紛繁舊爲哈薩克屬部後爲浩罕所轄弱小不能自立故兩部皆得役屬之也見俄羅斯志下

一曰布哈爾在南林木葱蒨穀菓豐稔人民殷富技藝精良市肆林立錢有三品男女皆尙修飾其地爲商旅所輻

地王... 俄羅斯藩屬志
輾財貨轉輸，夙稱強盛。鬻婢僕者有市。

一曰機窪，在西多沙磧，罕水草。民俗粗猛，喜於劫掠。恆與鄰國戰爭，鬻男女之市，爲西域最。道光十九年，俄羅斯欲攻之，忽值天寒，人駱凍斃者甚多，遂罷兵歸。地產五金、煤、礬、玉石、礪砂、珍禽、奇獸、藥等。

俄羅斯藩屬志

俄羅斯藩屬分爲細比喇亞、高加索斯與俄中亞西亞三部。細比喇亞者在亞西亞北境，緯線自赤道北四十五度起，至七十八度止。經線自中華北京偏東七十四度起，至偏西五十六度止。東界太平洋，西至歐羅巴，南接蒙古、滿

洲西域北枕北冰洋長一萬二千里至廣六千里總計之
一千七百萬方里戶口六百萬其地東西南三境羣峯環
列險峻異常餘則平坦無垠原野綿互叢藪大澤不可計
數透迤以南草木暢茂楊柳松榆之屬森然秀發其北苦
寒勾萌罕茁不過細草蒼苔散糝零卉而已氣候極冷冰
雪凝積河湖之支流不一湖以貝加爾爲最河之大者曰
疴比河也尼塞伊利那河

居民畧有數種土人四居其三俄人四居其一言語容貌
迥不相同或務漁獵或專游牧或種粟殖稷或開鑛冶鐵
隨在都有製造之物不甚精良商賈之跡亦罕至故財利
之轉輸弗廣其俗或奉回釋或信耶穌趨向殊途尊崇各
異紛紛然靡有定志

地理全志
至於朝綱元時探得其地欲割據之以險遠而止及明俄
羅斯與商船於冰消時駛至海岸以土物相貿易日漸狎
暱豔羨俄之富強引其居民至俄觀其壯麗傾心歸向無
不願列屏藩隸爲臣服於是細比喇亞全土不費兵力成
爲俄有尋復漸廓其境淹有東畧政自上出其君多剛復
自用大臣倘有諫諍則於夤夜擒之流之遠方必至數年
或有終身不得歸者其民多聰明穎敏以講道論德
爲己任薰陶末俗於是細比喇亞之風因以漸變

通分東西二土其西一曰德波斯克蓋省會也都城亦以
此名有將軍駐劄斯土統轄西方政事一曰多木斯克海
牧者屢行侵擾詭譎百出雖設兵防禦仍復恣行屠掠一
曰廂穆斯克土壤膏腴出穀釀酒有書院甚大專學亞西
亞文字言語有武備院習射馳馬以演武藝其東一曰也
尼塞斯克與哈薩克綺壤交錯駐兵四千以防邊釁一曰

義庫次克都城亦以此名，亦有將軍駐劄，統轄東方政事。土地甚廣，銀鉛之鑛，聲名夙著。其民美丰姿，修飾自好。南界有甲他城，中華與俄互市之地。庫倫之大臣司其事，以皮易茶，均獲利焉。書院校場、醫局、靡不建立，規模殊爲宏遠。一曰雅荷次克，在極東北隅，與滿洲接壤，立碑爲界。一曰廟荷次克，地盡海寒，冽殊甚。地瘠嶺枯，不毛之土。省會在海隅，與鄰島通商。一曰堪察加，斜折於海，終歲凜冽。內有火山十嶺，吐燄不息。地常震動，野民身體猥瑣。處於土穴，用犬若馬。南曰古里利，二十五島，亦多火山。爲日本、俄羅斯互市之地。地產狐狸、貂鼠、兔、獺之類，珍寶繁衍。五金

之礦甚多

高加索斯在亞西亞之西、緯線自赤道北四十度起、至四十五度止、經線自中華北京偏西六十六度起、至七十九度止、東抵裏海、西連黑海、南接波斯、北界歐羅巴之俄東部、長二千三百里、闊一千五百里、總計之六十萬方里、戶口五百萬、其地山嶺綿互、峯巒突起、壁立萬仞、冰雪凝積、墜必傷人、漸流甚急、道途泥濘、潮溼之氣、觸之致疫、間有平原寥闊、地多斥鹵、火山遺跡尙存、溫泉鹹湖襟帶其間、地內恆出石漿石漆、小山吐泥、地常震動、河之大者曰庫爾河、曰阿拉斯河、皆流入裏海、田土膏腴、穀菓蕃庶、氣候

溫和人安物阜

居民種類不一，語言互異，風俗强悍，性情猛勇，習於攻鬪，其男儀容秀麗，女子姣好，爲天下之絕美技藝庸拙市塵

寥落大概

奉回回教

至於朝綱，昔本游牧回部，舊屬土

爾其波斯，近年盡爲俄羅斯所據

全土分爲十二部，其大者北與中曰倬爾芝亞，省城曰特

斐利斯，內有靈泉，可療疾病，俄之大臣駐此統轄，西曰義

未勒多，曰明哥里，民庶而貧，專以販鬻男女爲利，東曰是

爾灣，內有巴苦火田，因石漿溢滿，地氣焦灼，波斯之敬火

者皆來此朝拜焉，南曰亞爾美尼，有高山名阿拉辣，聖經

云供水時，挪亞遵上帝命造方舟避患，及水消，其舟至於

波斯國志
阿拉辣山而泊焉。曰達其但。曰古里利。曰西爾加西。曰高加索斯。其會部也。○俄中亞西亞其地自烏啦河與裏海至阿爾泰與天山。總計之四百萬方里。戶口三百五十萬。其地已載於西域志下。今不必言。

波斯國志

波斯在亞西亞之中。緯線自赤道北二十五度起。至四十四度止。經線自中華北京偏西五十四度起。至七十二度止。東界阿富汗。俾路芝。西接土耳其。南連海灣。北至裏海。西域高加索斯。至長四千二百里。闊三千里。總計之二百三十萬方里。戶口六百萬。其地平坦。悉屬高原。鹵砂之區。曠

遠綿邈，北與西南巒嶂環繞，若斷若續，傍裏海，溪流灌溉，耕牧咸宜，廛原衍沃，林草陰翳，淤澤沮洳之間，時發瘴癘，染之病疫，西方山水清勝，甲於一境，夙稱繁庶，其蓋藏之富，景物之奇，爲國中巨擘，西南沿灣，泉稀曠野，沙漠草木鮮茁，河最疎小，爲山水之支派，鹹湖眾多，大者曰烏魯米湖，氣候不齊，寒暖殊異，夏熱冬涼。

居民種類各異，剛愎成性，言語之間，頗覺委婉，工於詭媚，技藝精良，文章禮樂，彬彬然有古風焉，流寓者多游牧，尙猛勇，喜劫掠，行必數十成羣，承平之世，不足爲慮，亂時乘勢以攘奪，所奉乃回教，其外別有一種，言語風俗與土著者迥異，其俗崇事火者，當時被回人陷害。

多徙於印度，孟買商務貿易，農勤耕耘。

至於朝綱，皆出自上，子子孫孫，相傳弗替，溯其建國之初，肇於有夏，春秋時，雄長西南，長與希臘構兵，稱勁敵焉，迨

羅馬興四鄰皆隸臣服獨波斯未入版圖唐初回國強大波斯與之接壤被其兼併為同回大部元時蒙古據之易名哈烈後為土耳其其所奪越二百年廢滅類仍國以內亂阿富汗取之王之後裔募眾崛起光復舊物惜為大將所弑篡位為王其後亦見殺於臣下國之東鄙為阿富汗所得別建一國西境諸邑為家臣給靈所據踐位之後舉賢任能興利除弊惠保黎庶懷柔遠方卓然稱明良之後焉崩時億兆靡弗哀痛阿利欲篡國祚鳩君自立其時寺人阿客以討亂為名殺阿利遂僭位阿客死其姪法達嗣統歲祚其俗君最尊嚴刑賞悉由上意視臣工不啻僕隸比歲以來國內紛爭兵革滋擾民多赴役耕種無暇昔日繁華之區屢遭塗炭遂致蕭條至其孫馬何美即今在位之君也咸豐六年十月波斯人襲取希臘其地在阿富汗十二月英師歷其境明年二月與戰波斯敗績三月成盟於

巴黎

通國分二十省其大者一曰依拉阿日末首府德黑蘭其

京都也夏時炎酷遷徙乘涼古府曰以斯巴罕建於沃谷

之中、殿堂園亭、驛市橋梁、猶存故址、一曰幾蘭、一曰馬散、
德喇、一曰拉喇斯灘、一曰亞塞比然、一曰古西斯丹、一曰
給爾滿、一曰哥喇森、一曰亞的喇、一曰亞斯達巴、一曰法
爾斯、宮殿古迹甚多、特有一祠、高廣華麗、今已蕭條、外海
口、曰魯侈爾、爲往來之衝要、貿易之津梁、海峽曰惡末嶼、
古時海船互市於此、日久凌夷、鞠爲荒墟、盡成瓦礫矣、人
多沒海求珠、每年可得數百萬金、明時葡萄牙據其地、歐
囉巴貨物、薈萃於此、爲西洋、印度、中國、波斯、轉輸之要地、
今亦漸衰、土產五金、玉石、珠寶、鹽、馬、珍禽、異獸、獅子等、

亞喇伯國志

亞喇伯又名天方在亞西亞西南緯線自赤道北十二度起至三十度止經線中華北京偏西五十七度起至八十四度止東接波斯海灣北至紅海南及亞拉比亞海北界土耳其長五千里闊四千里總計之四百三十萬方里戶口一千二百萬其地瀕海形勢卑下沙磧無垠經歲不雨中央則山巒高峻平原緜邈雨暘時若民得安居然多毒風黃霾黑瘴最能傷人揚沙成崗觸之卽斃河之大者曰邁丹河扯波河泉源不涸河流常涸百川之水爲砂所阻不復匯歸於海氣候迥異近山稍覺溫和餘則溽暑炎蒸毒霧迷漫

居民體多輕健，勤於操作，節煩費，嫻禮數，喜於酬酢，其性能忍，時懷報復之念，心多疑慮，恆挾刃以自衛，女子美姿容，淫佚無閨教，山中別有數部，以游牧爲名，攻奪劫掠，靡所不爲，是以商旅行必結隊，其地多沙，能陷馬蹄，草木甚稀，而獸蹄鳥跡，遍於郊野，產馬最良，日行可七百里，牧者愛之如子，駝尤佳，負重行遠，咸賴其力，所奉回教。至於朝綱，歸酋長掌，握古爲土夷，散布四郊，屬於波斯，陳宣帝時，有摩哈麥者，生於麥加，作賈西國，娶萊婦，以致富饒，不識字，而性詭秘，彼時耶穌之教盛行，思別立一教，四十歲入山，讀耶穌猶太聖書數載，著書曰可蘭，訓迪世人，聲音止一真主，自命爲教師，禮拜念經，禁食豬肉，播傳新教，以釋家拜偶像爲誣，煽惑民心，未幾居民洞曉其謬，緝紳先生亦以其言爲不然，乃逐之，至麥地拿，居無何，授徒甚眾，率之以攻麥加，遂陷其城，卽位爲君，以是年爲元紀，今回回稱千二百餘年者，本此強兵富國，布教四鄰，通國皆從，風而靡，及薨，嗣君踐阼，新教流播益廣，翦滅波斯，薦食羅馬，據阿非喇，加北境，割歐羅巴西南，其後國勢寢衰，分崩離折，爲土耳其攻取，稱屬國焉，其民昔頗穎敏，今漸愚蠢矣。

通國分八部，首曰黑沙，都城曰麥加，屋宇宏麗，街衢廣直，海口貨物甚多，流通各國，摩哈麥薨，葬於麥城，拿回民必歲至，羣來虔禮，南海、西域、泰西、阿非利加之民，接踵膜拜焉。一曰也門，有海口曰木甲，其地出加非最佳。一曰哈達啦毛，一曰痲幔，一曰拉沙，一曰訥芝伊得，又有西乃土，昔時摩西導以色列人，往猶太，止於其地，授以十誡。南陲有埠曰亞甸，在紅海口外，爲大英所據，近歲郵寄文書，皆由印度，自亞甸直抵紅海，陸行百七十里，至地中海，別有火輪船接遞，計其程較近數萬里，不過月餘，可達倫敦。一曰日伯所麥爾等，地產玉、銅、鐵、穀、菓、棉、皮、藥料等。

土耳其藩屬志

土耳其藩屬在亞西亞西緯線自赤道北三十度起至四十二度止經線自中華北京偏西六十八度起至九十度止東界波斯西枕地中海希臘海南接亞喇伯北連黑海長四千里闊三千里總計之二百七十萬方里人民一千六百萬口其地瀕海者峻巖嵯峨叢林遍嶺東西高原深谷多爲游牧之所迤南平坦低淤夏則荒郊冬則茂盛餘則沙漠磊落溝池斥鹵湖河甚多河之大者曰幼發啦的河低格里河約但河湖之大者曰死海其地本有二城因民作惡上帝罰之降火焚燬其城遂變爲海水甚鹹土滯

清低海百餘丈、加利利海、又有汎湖、土壤膏腴、宜於稼穡、所產甚爲繁庶、花卉綺麗、植於園囿、禽獸蕃息、遍於郊原、氣候殊異、山巔嚴寒、冰雪凝積、田野陵谷、開炎燭、殊甚、瀕海之區、稍覺溫和、

其地昔時宮殿華麗、貿易殊盛、今則衰微、僅存遺跡、風俗不同、業賈者、通有無徵、貴賤、獲利蓰蓰、因賦稅煩苛、致商不至、其人勇悍好鬥、卽捐頂踵、蹈鋒刃、亦弗顧焉、體多輕捷、故於山巖險峻之地、頗能制勝、若於平陸、則非其長、所制器物、平庸、惟皮棉地氈等、稍爲精良、其地初播聖經、卽爲切要之所、奉耶穌教已久、近崇回教者愈眾、又有一部、專拜魔鬼、土產五金、穀、菓、鴉片、鉛、礬、膠、漆、木、石、藥料、刀兵等、

通國分六省、一曰小亞西亞、在西北、內分六府、曰亞達那、

曰加拉瑪呢、曰瑪啦斯、曰西威斯、曰德比孫、大海口、曰亞

那多里街衢甚穢、不肯修治、多疫癘傳染殆遍、一曰古德
斯灘、一曰亞美尼在東、內分四府、曰黑斯隆、曰汎、曰加爾
斯、曰加克、一曰亞日西拉、在中央、一曰以拉喇比、在東南、
分四府、曰的牙鼻給、曰巴革達得、曰拉加、曰模索爾、兩河
潏繞、水患頻仍、耕耘者頗爲勤苦、古有大國二、曰尼尼微、
曰巴比倫、都城高三十五丈、厚八丈七尺、上建浮圖二百
五十城門、凡百、以銅爲之、四周百有八十里、因其民驕傲、
忤逆天命、上帝罰之、此地遂敗、至今古跡甚多、西洋文士
恆取之歸歐囉巴、以爲玩物、一曰敘利亞、在西南、山川明
秀、園亭臺榭之屬、稱極盛焉、花卉紛繁、芬芳襲人、昔時商

賈蒼萃富埒王侯、今則寥落矣。內分四府曰亞拉波、內城同名道光時二次地震室廬盡圯不遺一椽、歲薦饑餓殍載道曰大馬色曰亞克爾曰的不里敘利亞舊分三部曰猶太曰撒馬利亞曰加利利都城曰耶路撒冷聲名最著遐邇瞻仰其城自古已建上帝眷顧之壯麗繁華甲於他國厥後因逆上帝之命羅馬率師環攻城陷屠之都民星散遂歸羅馬統屬卒爲土耳其所取隸入版圖因其爲天主耶穌降生之地故至今猶豔稱之焉。

其外島嶼甚多最大者曰居比路四周山嶺中原腴壤古爲強盛之國然遭土耳其暴政日就衰微今屬於大英一

名囉德斯一名撒摩斯一名拔的摩斯耶穌使徒約翰昔
流徙於此受上帝默示聖經末卷爲其所著

歐羅巴州全志

歐羅巴五州之最小者。曠野居其二，山嶺居其一，海隅之地，灣泊甚多，田土腴瘠不等，氣候涼燠不同，人物薈萃，學藝絕倫，自古迄今，常推爲首。

文論

歐洲內緯線自赤道北三十六度起，至七十一度止，經線自中華北京午線偏西四十八度起，至一百二十六度止。歐洲內東連亞西亞，西至大西洋，南界地中海，北枕北冰洋。廣州內長九千里，闊一萬里，總計之一百三十億方里。

質論

歐洲內尚巒，東北烏拉嶺，東南高加索斯，其餘分爲三等。南曰比里尼斯，界於西法之閒，西班牙諸山，在西班牙亞

卑斯在瑞士以法之閒亞卑尼尼山穿貫以大利全土加
白的山在奧地利日耳曼諸山在日耳曼列國巴幹山在
土耳其希臘山在希臘北日瑞頭諸山在瑞頭西日大英
諸山在大英至於火山州中凡四島二十座最大者以大
利有菲蘇菲約火山細細利有埃
德納火山冰州有黑克拉火山
州內平原甚少最高者爲西班牙之大半至於曠野西
自英之倫敦法之巴黎斯由荷蘭日耳曼北至俄全土其
荒蕪之地俄之東南爲最瑞頭
奧地利東日耳曼北等處次之
州邊海隅北日瑞頭丹國南日西班牙
以大利希臘與俄羅斯南方之哥里米
州濱之角難以枚舉瑞頭北有北角南有奈斯州北有
斯高英西有蘭斯恩德法之西北有哈革西之西北有斐
尼斯德葡之西南有三維森以大利南
有斯巴溫多盧加希臘南有瑪大板
州之內外島嶼羅列至大者冰州發祿大英三島亞索
利數島皆在大西洋斯必巴然新森拉在北冰洋艾斯蘭
又名冰州丹國屬島歌德蘭在巴爾堤海巴利亞喇哥塞
牙撒爾第尼細細里瑪爾達約尼亞干地均在地中海希

希羅島在

州內外海

聯絡旋繞北曰白海中曰巴爾堤西曰北海

阿爾南曰地中海亞得喇亞希臘東南曰瑪爾摩啦黑

海亞

速弗

州濱灣之著名者曰波的尼芬蘭喇牙通巴爾堤海曰

瑞的西墨累通北海曰比斯客通大西洋曰雷昂熱那達

喇佐利板他通地中海曰菲尼斯得里斯通亞得喇亞海

曰加啦澤加牙通北冰洋曰麻尼亞亞干日美森通白海

南曰加的牙斯加惹啦克界北海巴爾堤海

州屬海峽孫德斯大帶小帶在巴爾堤海北海之間偏

蘭在大英之北多斐爾在英法之間日巴拉大界大西洋

地中海默細那在細細喇以大利之中他大納爾斯界瑪

爾摩啦希臘海君士但訂在瑪爾摩啦海黑海之間以

呢加喇在星海

亞速弗海之開

州內河之至長者烏拉縛埒嘎匯於裏海尼瓦土未拿

聶們非士都啦阿德爾流入巴爾堤海北酌拉加啦流入

聶們非士都啦阿德爾流入巴爾堤海北酌拉加啦流入

北冰洋、美森土未拿、威尼加流於白海、威塞爾、味尼、因、易、爾、比、達、迷、斯、恆、拍、爾、帶、河、皆、流、注、北、海、塞、約、羅、瓦、爾、加、倫、斗、羅、塔、沽、斯、瓜、達、畿、非、流、入、大、西、洋、羅、尼、厄、波、囉、坡、河、低、伯、爾、流、入、地、中、海、第、聶、珂、爾、第、聶、斯、特、爾、多、惱、又、名、達、鈕、伯、皆、流、於、黑、海、

湖、州、內、之、湖、拉、多、牙、爾、尼、牙、塞、瑪、斯、北、不、斯、在、俄、羅、斯、威、爾、那、威、特、爾、彌、拉、在、瑞、顛、日、尼、法、瑟、斯、灘、斯、在、瑞、士、餘、則、多、近、巴、爾、堤、海、其、風、景、美、麗、皆、在、大、英、瑞、士、等、國、內、

州、內、氣、候、不、一、北、境、嚴、寒、凜、冽、經、歲、不、熟、中、央、涼、燠、咸、宜、南、方、夏、熱、冬、溫、晴、雨、不、均、

英、俄、瑞、顛、錫、鉛、產、於、英、日、耳、曼、煤、產、於、英、比、法、普、奧、石、鹽、產、於、英、俄、法、奧、西、水、銀、出、於、西、

奧、鐵、則、隨、在、皆、有、惟、英、最、勝、焉、

州、內、草、木、之、生、大、概、分、三、土、南、方、有、無、花、菓、橘、榴、橄、欖、葡、萄、等、林、木、葱、龍、花、卉、嬌、媚、中、央、則、二、麥、豐、登、樹、幹、雄、

偉、凡、百、悉、備、極、北、草、木、甚、稀、不、過、苔、蘚、石、韋、零、樗、短、楊、而、已、

州內禽獸昆蟲殊為繁庶惡毒之物絕少蓋人烟稠
密芻豢甚勤至於野獸熊狐豺狼豪豬麋鹿麂兔松
鼠羴羊牲畜中馬牛羊豕多且肥美野鳥則鷓鴣鷹鶯家
禽則鷄鶩鴨鵝孔雀文彩輝煌百鴿宛轉和鳴魚類甚繁
洋海河湖內鱗介之族無不滋味極美

政論

計三千二百億口

州內之教奉天主耶穌者居多惟土耳其俄

羅斯數部崇回教其崇奉猶太教者或亦有之

州內學藝精備為五州之最性情縝密善於運思精

於制器金木之工巧慧絕倫運用水火備極奇妙造作舟

車更為精良兩輪迅發其捷如駛以之乘風破浪無不如

志凡篷索器具之屬尤精測量海道處處志其淺深越七

入萬里而通中國殆非偶然才能既高敏慧超羣理學政

治彝倫靡弗盡心講習如天文地理鐫刻音樂鐘表鎗礮

風球火輪陰晴表寒暑針以及織布皆創於其地修飾以

增美善權子母商賈為本關有稅而田無賦航海貿遷不

辭險遠四海之內，徧設埔頭，由其善於操舟，亦因國計全在於此，不得不盡心力爲之也。

史本州自有夏以前，土人游獵爲生，久爲蒼莽之區，後漸耕田制器，百廢俱興，轉澆風爲淳俗。漢初，羅馬混一，列邦隸入版圖，國勢漸強。漢史所爲大秦國也。五代時，羅馬衰亂，唐宋開西域，時來侵擾。州之全土遂分爲戰國。明時，以巨艦涉海，巡行西闕，亞墨喇加東得印度南洋，聲勢遂縱橫於四海。

州內朝政不一，或君自主，或與羣臣共議，或無國君，立冢宰執政，其中或帝或王，公侯伯子男，或宰相總督，主某國君，係何爵位，皆詳明於後。

州內國之大小不一，曰俄羅斯、瑞頭、丹國、荷蘭、比利時、日耳曼、又魯魯士、奧地利、土耳其、希臘，以大利、瑞士、西班牙、葡萄牙、法蘭西、大英三地。

俄羅斯國志

俄羅斯疆宇恢廓，甲於列邦，其地界於二州，然其設立部

落經營都邑，悉在歐囉巴。故其國隸之歐囉巴，而其散見於亞西亞北與東之徧地者，別分疏焉。俄羅斯在歐囉巴東，緯線自赤道北三十八度起，至七十度止。經線自中華北京偏西五十三度起，至九十四度止。東至烏啦嶺，裏海西抵巴爾提海，曾魯士奧地喇亞南接黑海，高加索山北枕北冰洋，長六千六百里，闊六千里。總計之七百五十萬方里，戶口七千六百萬。其地之中原野平坦，多藪澤，爲沙所淤，沃野綿亘，荒郊幽逸。東南東北山峯森拔，西北則崗巒起伏，若隱若見。湖水甚鹹，河道開廣，支流不一。河之大者，東曰烏啦，縛塢嘎，南曰第聶珀爾，多諾，北曰土味拿。

北酌拉阿尼牙、美森、西曰第非那、尼瓦維士都啦、湖之大者、西北曰拉多牙、廂尼牙、賽瑪、北不斯海口、港汊四通、便於舟楫、隆冬冰結、不能往來、黑海與地中海、一線相通、海道不及他國之利順、故遠涉爲難、河濱之田、悉屬膏腴、其餘極北者、皆不毛之土、北之中央、猶堪種植、西南宜黍稷、無歲不書、大有、東南則沙磧無垠、盡斥鹵之區、至於氣候、南北迥異、北當冬時、寒冽殊盛、川有堅冰、日光所不照常、覺晦冥、夏時溽暑逼人、雲霧四塞、有晝無夜、西南則天朗氣清、無疾風暴雨、百彙以之滋長、萬物因而化醕、卉木向榮、誠爲一國之勝境也。

居民種類不一，或耕耜，或游牧，各居其半。俗尚畜僕婢，達官富室，所畜以千百計。通國所畜奴僕，不下百餘萬。浮於軍額，近爲國主釋放，食物粗糲，麥粉爲湯，粉水爲飲，嗜酒不喜沐浴，嚴寒臥爐上以取溫，俗崇希臘教，亦天主別派也。京都爲教主所居，大權是秉，勢甚震疊。若釋回猶太等教，亦間有奉之者。士諳禮儀，凡天文地理之學，靡不窮流。索源數十年來，百工技藝精巧絕倫，匠肆林立。

至於朝綱，歷代相傳，以長幼爲序，男女皆得踐阼。古稱撒爾瑪細亞，其民未馴教化，游林叢以射獵。唐時有酋長祿利哥者，萃其族類，拓土宇，築城邑。五代時女主專政，崇天主教，生十二子，皆分茅胙土，以備屏藩。其後互相攻伐，日漸衰亂，爲蒙古所征服。明時驅逐蒙古，恢復版圖，歸其故宇，不數傳後，國王宜萬有雄略，而多行殘忍，羣下離心。至波利斯國勢衰弱，康熙四十四年，立彼得爲王，羅致英賢，躬教士卒，令習騎射火礮，政令更新，國俗於以丕變。巡邊陲，開海口，建新都於海濱，疏通巴爾堤海道，水陸皆操形勢，猛士之多，戰艦之大，爲列邦所景仰。俄之強大，實始於此。彼得歿，其后攝政，敏慧有權謀，任賢舉能，強鄰惕伏，疆土愈闢。乾隆二十六年，加他隣后，弒夫自立，性甚淫嬖，而

具才幹精於文藝習於武備招致他國百工厚給廩餼俾
教其國人屢與土耳其構兵戰無不捷嗣子承統與法蘭
西力戰法不得已議和其弟尼哥勞卽位征服土耳其擊
退波斯威名頗振其民稱君曰察爾政治悉由君出咸豐
三年俄羅斯與土耳其其大有戰爭英法二國助土耳其而
勝之三年之後議和平定其時尼哥勞已死其子亞力散
德卽位近時俄羅斯在滿洲黑龍江邊得其土地在亞西
亞中與西亦如之光緒年間俄仍與土相戰威猛勢嚴死
者甚眾後俄獲勝而成和協前三年俄有兇黨
在市上殺死亞力散德其子君士但丁卽位

俄國大畧分八大區又分五十部

巴爾提諸省在俄西北隅分爲五部一曰彼得堡昔彼得
皇建都於此因以命名其地瀕海原野荒逸長松翠榆森
然夾道雖有田疇甚爲狹小都城在尼瓦河口僻在海港
潮汐盛至水溢城闔街衢多不能行屋宇宏峻宮殿巍峩

地理全志
學校醫院靡弗備具他如觀星之臺藏書之府窮極華靡
以爲壯觀洵海外之名區繁華之勝概也曰斯多尼曰里
窩尼曰孤蘭曰芬蘭本瑞顛東北境爲俄所割取

大俄羅斯省在國中央分十九部曰莫斯科俄之舊都也
規模閎麗衙署皆飾以金銀嘉慶十六年法蘭西欲混一
西土以大兵圍其城將陷俄民舉火自焚幾成焦土戰勝
再建仍復其舊曰拉的迷曰尼內諾弗哥曰利森曰加婁
牙曰斯摩連斯克曰都拉曰當波弗曰廂勒曰窩羅尼曰
占爾斯克曰哥斯佗囉瑪曰日羅斯拉曰提威爾曰北斯
哥曰廂勒內曰縛羅革達曰諾弗哥曰亞干日

小俄羅斯省在大俄羅斯東南本俄地爲波蘭國所據後
卽恢復分四部曰幾弗曰查爾尼歌曰布佗洼曰色羅伯
斯
南俄羅斯在大小俄之南分五部曰加底里諾曰給爾孫
海口有廂德撒爲俄之第三埔頭曰擣里達峯巒層疊螺
髻可觀天時和煦洵稱樂土其南有海隅曰哥里米卽英
法土三國與本國爭戰之地風景清醞土壤膏腴種桑飼
蠶稱富庶焉內設軍器局爲兵船停泊之所曰柏撒啦比
曰多諾珂撒克

其人種類曰珂撒克勇悍好鬥尙劫奪善乘馬馳驟如飛
國中募爲騎兵卽食其土之所產以爲精糧不取國幣

堅折銳，稱爲勁旅。其俗安居樂業，惟尚朴實，其待賓客悉合乎禮。建新城於海口，商旅麇至，帆檣林立，爲衝要之地焉。

東俄羅斯昔分九部，曰阿斯達罕、山嶺荒郊、通衢四達、縛埒嘎河二岸、庶草蕃蕪，可爲牧地。羣孳息，庶土人長於釣捕，會城同名爲俄之大埔頭，曰疴倫布爾克，樹林稠密，蒙古各部立市於此，以牛羊易布疋，語言風俗大不相同。曰加森，在烏啦嶺西境，土宜稼穡，金鑛尤旺，各部往來貿易極多，設有大市，其地本爲回國，明中葉間俄得之，又有信比爾斯克、偏撒維得加、白爾摩薩、拉托非、薩瑪拉，又有高加索斯部，其金鑛最爲富饒。

西俄羅斯及波蘭部在巴爾提海東南

其地初屬查遮倫及波蘭查遮倫王與波蘭女主通姻姪配爲夫婦遂合爲一其後爲俄所奪名之曰西俄其人白

皙又名白俄迄波蘭衰亂時俄與普魯士奧地利分其國俄得三分之二後卒歸於俄統名之曰波蘭部

西俄土地廣坦田畝肥沃民有潔癖所建室廬俱極華靡

芳草蒙叢田疇交錯耕牧咸宜風景殊嘉密林深箐山秀

水清分八部曰威那貿易殊盛凡習天文教技術造舟楫

者皆築館舍以爲會集之所曰威得比斯克曰哥德諾本

查遮倫故都昔之宮闕僅存基址曰明斯克南方多湖水

患頻仍曰摩希勒弗曰北亞里曰窩希尼風景清淑田疇

綺錯洵稱樂郊曰坡多里波蘭地平如砥茂林芳草掩映

左右五穀繁熟，百菓豐登，河道不一，地分八部，摩斯珂非會城曰倭爾撒，屋宇宏峻，塵市喧闐，景象一新，三多迷加利斯、伯林、波羅略、波達拉給、亞烏斯多、加拉哥，名則自立，實俄與奧統轄，巴爾提海內，東有阿蘭德數島，又屬俄御，土產自穀菓而外，馬牛於南，蔴油於北，鑛開於東，咸獲無窮之利焉。

瑞顛及那而威國志

瑞顛及那而威處於歐囉巴北隅，緯線自赤道北五十五度起，至七十一度止，經線自中華北京偏西九十二度起，至百有八度止，東至俄羅斯，巴爾提海及波忒尼亞灣，西

界大西洋南接巴爾提海、斯加惹啦克窄海、北枕北冰洋、長四千三百里、闊一千五百五十里、總計之一百萬方里、戶口六百三十萬、地本瑞顛那而威二國之疆宇也、今則兼并爲一地、勢下垂有如葵扇、中央岡巒脊起、連繹不絕、險隘之所亦復不少、瑞顛建國在山之左、右則那而威故址、北方之山巉巖峻壁、形極嵒巖、徑路崎嶇、沙磧之地卑下、窪溼、悉屬不毛、南方多瀟澤、厥土塗泥、田稍肥沃、西瀕海、急流迅湍、舟遇之必危、河道眾多、率皆流急而不長、湖之大者曰威那爾湖、微特爾湖、美拉湖、氣候寒凝、春則風雨交作、時有冰雪、夏甚涼、炎熇之時絕少、晝永若小年、長

七十六刻。秋則天氣朗霽，徧多佳日，絕無纖雲蔽空，冬苦嚴寒，凜冽殊甚，晷短漏長，極北爲歐，最寒之區，夏有晝無夜，冬則有夜無晝，林木稀疎，豺鹿熊羆之屬充斥焉。

民人北方者，貌似蒙古，士耽文學，風俗清醇，人好飲酒，故獄訟充斥，技藝日進，貿易頗盛，崇奉耶穌教，北方近來漸摩。

至於國位，君王歷代相傳，昔爲野番部落，漢時爲俄丁酋長所據，宋時酋長厄里哥築城建邑，規模草創，是爲瑞頭立國之始，斯時那而威亦有酋長爲王，數傳以後，爲丹所兼并，明洪武時，丹日強大，瑞頭亦隸版圖，稱臣僕焉，越至嘉靖時，瑞有王孫曰瓦撒聰，慧絕倫，英毅超羣，恢復故土，爰卽王位，威惠並行，寬猛相濟，國以大治，世子嗣服，荒淫不道，爲國人所囚，仰藥而死，厥後女主基利斯提那，性嗜文學，厭煩苛，不悉心於政事，禪位於外戚加爾祿斯，王旣踐阼，勤於軍旅，攻伐波蘭國，而割其邑，擊退俄羅斯，威聲遠著，隣邦震懾，後引兵攻那而威，師潰，死於城下，無嗣，其

姊卽位、嘉慶十年、國大亂、廢其君、更立加爾羅斯、奉奉之
爲王、及薨、無嗣、遺詔讓於首將伯拿多、及卽位、亦名加爾
羅斯、國之西境、那而威、本屬於丹、嘉慶二十年、眾國公使
會議、以瑞地之近於丹國者、歸丹、以那而威歸瑞、由是合
爲一國、咸豐八年、加
爾羅斯十五卽位、

通國分三土、中曰綏蘭、會城曰斯佗克荷穆、卽京都也、建
於美拉湖濱、屋宇高峻、廊廟之輪奐、務極華侈、樓臺亭榭、
連薨接棟、景象崢嶸、極一時之勝、外通海口、爲一國轉輸
之衝要、南曰歌忒蘭、城以同名、爲大埔頭、北曰挪爾蘭、得
城曰比的亞、又分二十四部、那而威分三土、南曰森丁非、
都城曰畿斯底安牙、中曰佛丁非、爲大埔頭、曰特倫行、北
曰挪爾蘭、得又分十七部、土產金、銀、銅、又產鐵、礬、硫、磺、獸

皮、花紋石、木、魚等。

丹國志

丹國又名丹馬喀、在歐羅巴西北隅、緯線自赤道北五十三度起、至五十八度止、經線自中華北京偏西百有五度起、至百有八度止、東至巴爾提海、加的牙窄海、西界北海、南連日耳曼、北距斯加惹拉、長九百里、闊三百里、總計之方五萬六千里、戶口二百萬、其地曠野居多、平原彌望、瀕海水通窪澤、其西半皆砂磧、颶風忽起、則蔽空彌野、飄揚靡已、邱隴頓失、民多種樺、以備沙患、北地廣漠、乏湖河之滌、洞唯南肥壤、氣甚卑濕、冬夏之間、殊覺和煦、海濱一帶、

尤爲相宜朝暮多霧

人民勤於習藝敏於作事文學彬彬有足嘉焉巨商大賈肩摩轂擊所奉乃耶穌教

至於朝綱設有王位古時本隸番部後并那而威瑞頭爲

噴頓所據唐時其酋操舟楫以學航海凡劫奪之事無不

爲同於劇盜諸丁目之爲寇不足齒數不能抗衡於列邦

後有王駕奴特者能修國政明於賞罰兼并那而威越三

百載女主瑪加勒達嗣位瑞頭亦歸其藩屬強盛之名震

於一時三國之地皆合爲一迄明時丹與那而威叛更立

基利斯的安爲王瑞頭亦自立故王之裔後那而威見并

於瑞而割瑞地之近丹者歸於丹丹頻年搆兵數被侵伐

國幾虛耗不支邇來轉輸貨物繁盛勝於昔時元氣因以

漸復至道光二十九年斐得列踐阯本國公主與大英主

冢子爲婚後可

接爲英國后焉

通國分五省一曰入德蘭二曰西蘭都城哥本哈根爲商

旅膺至之地城內宮殿巍峩屋宇峻麗學校醫院靡所弗

備。番皇宏壯，稱鉅觀焉。又有城曰亞西諾，諸國貨艘出入巴爾提海，必經此港。窄海名加的牙，長廣數里。前本國在此建關征税，凡舟渡過必納，惟茲數年悉除之。南有荷兒斯丁，其城名畿力，中有斯勒瑞。東南有勞英不，城皆同名。附近島嶼羅列，民乏生計，捕鱗族以餬口。此三地有魯奧二國，與本國攻戰，近時皆為所得，歸於魯屬。曰安哈上，建樓窮極靡麗，光彩輝煌，燦爛射目。海舶夜行，望之以辨里程。三曰冷蘭，夫能。四曰拉蘭，法斯得。五曰邦好米。西南有島曰希里疇蘭，屬於大英。又有冰州在大西洋北，總計之方四十萬里，氣候嚴寒，戶口六萬，中有火山，名黑克拉烟。

焰上騰晝夜不熄熱泉迅湍懸嶺若瀑布七十餘尺歲有地震殊爲猛烈生意蕭疎穀菓稀少木多由洋浮至居民聰慧善於款賓內建書院觀星台會學士處土產藥苔稱良其東南曰發羅羣島土產五穀牲畜

荷蘭國志

荷蘭歐羅巴之西北隅也緯線自赤道北五十二度起至五十四度止經線自中華北京偏西百有十度起至百有十二度止東界日耳曼南接比利時西北距北海長七百哩闊四百三十里總計之方七萬里戶口四百八十萬地勢坦夷在歐羅巴中最爲卑隘低窪荒澤不可勝數海潮

盛至每多衝決之虞。民間多築崖岸以爲隄防。河道甚雜。至長者曰土加爾達。謬塞。味因湖之大者曰哈爾林海地。壤膏腴。農民勤耕而沮洳汾澤之間。開墾爲田者甚少。民諳於水利。濬溝瀆。鑿河道。善能航海。習於舟楫。不憚遠行。在歐羅巴中。貨物之運行。市船之往來。實自荷蘭始創焉。人情質朴。操作艱辛。食用儉約。極擲節之宜。其治生惟一以勤。古風猶未墜也。有潔癖室。虛窗牖。時加洗滌。不染纖塵。街衢之間。不使稍留穢跡。巨商大賈。雲集響應。車蓋相望。帆檣相接。東北諸島。無不艷稱其盛。工肆林立。技巧藝精。凡呢與氈布之屬。皆其所織。俗吸絲烟。故種烟草者多。牧場甚廣。庶草蕃蕪。便於放牛。所製乳餅極佳。善釀火酒。運於列邦。羽毛緞最良。爲中國所貴重。民多奉耶穌教。至於國位。歷代相傳。繼統者維男。以長幼爲序。無子立嗣。無嗣立女。昔時乃野番部落。後爲日耳曼人所據。嘉慶時法取之。爰立酋長。統率其眾。法內亂。作諸酋蠢動。擁地自立。土遂瓜分。爲十有七國。後有酋長兼并歸一。立爲侯國。

明時海水碎漲，汎濫於地，居民盡爲所淹，屋宇湮沒，靡遺數百里間。幾成水窟，潮退積水，匯爲一海。卽哈爾林是。居民當水潦之後，極力經營，閱數十載，生齒繁滋，完富勝於疇昔。明初爲奧所取，奧君傳位於西班牙王。王秉國鈞，滅賦以悅民，悉令入天主教，有違耶穌教者，則積薪以焚之。誅殲數千人，慘毒倍至。荷人憤怒，震烈舉兵以叛，遂廢其君。官吏皆被驅逐，分通國爲七省，自設州牧，綜理國政。互結盟約，咸不相統屬。如是者二百餘載。乾隆時爲法所侵，伐國遂失。法王以封其弟，自是荷遂隸法之版圖。迨法王拿破崙喪師，荷乃得恢復故土。立故王之裔，後取比利時，合爲一國。凡有政事，王不得專，皆大臣哲士爲之籌畫焉。道光十年，比利時人叛，絕和好，變亂滋生，不歸統轄。自立爲國，樹莫之能禁，亦聽其分建矣。道光十九年，居民製火輪之器，轉誤其機，日取哈爾林之水，使水漸竭。邇來海水幾涸，可鑿爲田，約三十萬畝。

全土分十一部，曰北荷蘭。都城曰俺斯特坦，建於河濱。水中架以巨木，上築樓閣，層軒曲檻，以河道爲街衢。其製甚

奇世罕觀焉。宮闕衙署罔不峻麗。學校醫院靡弗具備。誠稱一時之壯觀。昔爲歐土都會之最大者。曰南荷蘭。首城曰海革。乃國王建都之地。來甸設立書院。制度瓌瑋。凡名儒碩彥。明道達理之士。咸薈萃於此。蓋人文之藪也。屬邑曰鹿特坦。城堞甚爲鞏固。達衢開廣。廬舍峻整。海船巨艘隨在可通。曰西蘭。北巴啦班。烏特立。給德蘭。德倫。廂威立。塞哥囉。凝倫。斐里斯蘭。靈堡。別有一區。曰盧森堡。入日列國。互結盟誓。在此向有堅營於地。近因荷王願購於法蘭西皇。魯王不喜。將恐與法構釁。大英勸和。現已毀營。平定土產畜牲。蔴。茜草。滑石。鐵煤。

比利時國志

比利時在歐羅巴西北緯線自赤道北五十度起至五十二度止經線自中華北京偏西百有十度起至百有十四度止東至日耳曼西連法蘭西暨北海南接法蘭西北距荷蘭長七百里闊三百九十里總計之方四萬里戶口五百三十萬其地平坦形勢延袤南方陵谷荒稀氣候和煦田土膏腴多草場便牧畜穀菓烟蔴歲書大有

居民謀生勤苦性好動輕然諾寡信義工肆雲集製造精良百貨之轉輸眾商之貿易稱極盛焉多崇天主教至於國政廢興不一古為荷蘭南部湖多水而比多平陸自荷蘭為日耳曼所據又為法所攻取荷人叛其事之始末比與荷毫無差異及荷逐官自立比利時猶屬西班牙後於康熙年西班牙以荷與比之地讓與治理越入十餘

乾隆六十年比與荷又同爲法蘭西征服後荷復故
土與比合而爲一無如風俗教化品性言語大相懸殊且
前以比風附仇敵薄其爲人不令居顯爵不收教其幼學
以民實難隱忍於道光十年遂尙守吏舉兵以叛據地以
戰荷歛兵退比人羣議招日耳曼之薩各堡小侯留波爾
德者爲君有公事則與眾酌定紳耆商議否則不能納餉
自絕荷後貿易之路爲荷所塞過港口不能通行昔連港
口之艘船移往他處製鐵轆轤路以火輪車由陸路轉運
海達

通國分爲九省曰南巴啦班在適中之地都城布囉塞乃
京都也建於塞內河濱宮室巍峩殿宇峻麗民工紡織呢
絨最精城中遍栽林木修築樂園俾民人遨遊得領山水
之趣嘉慶初年法蘭西與大英大相戰鬥於瓦得路逼近
此地英國勝之曰安都厄比那慕爾列日首邑皆同名東

發蘭德斯首邑曰根忒、西發蘭德斯首邑曰布路遮斯、海
腦德首邑曰蒙斯、林堡首邑曰黑矢、盧林堡首邑曰亞爾
羅、土產穀、菓、烟、蔴、煤、鐵、紋石、鋼、砂、氈、甲於歐土、

日耳曼列國志

日耳曼列國在歐羅巴之中、緯線自赤道北四十五度起、
至五十七度止、經線中華北京偏西九十六度起、至百有
十六度止、東界奧地利、普魯士、西接荷蘭、法蘭西南至瑞
士、以大利北連巴爾提海、長二千里、闊一千八百里、總計
之方七十五萬里、戶口四千五百萬、其地北方平廣坦夷、
砂磧綿邈、藪澤居多、南有高原曠野、餘皆岡陵峻峭、絡繹

不絕、河之長者曰威塞爾、多腦、易爾、北湖亦眾多、氣候互異、北則沮洳潮濕、寒熱無定、南方平和、煦嫗舒暢、宜人、濱地膏腴、樹木稠密、花菓豐茂、園林幽雅、風景清美、遠客多來游玩、

民多強健、性淳良、好學術、勤苦謀生、力作不倦、技藝文字、奇妙絕倫、商賈膺至、貿易殊盛、奉耶穌、天主、猶太教、至於朝綱國政、前分諸部、或君王臨御、或公侯攝理、或設官宰治、今其全土合於一國、華稱德國也、古爲歐羅巴大國、五方之民雜處、羅馬時、征服四方、日耳曼雖歸統屬、尙未盡入版圖、法蘭西與、有王名甲里曼者、攻滅日耳曼諸部、土地人民、全爲收服、地禁法、版者、百有十載、後國人叛法、立酋長根拉的爲王、自是各王並不世代相傳、俱爲眾所推立、元初、奧地利酋長羅德福爲王、能服眾、由此子孫繼緒、不禪於人、明時、日益強盛、聲威四播、後與羅馬代興、康熙三十九年、各部自王、不相臣屬、奧地利并兼坐大、普魯士拓地稱雄、兩國皆著名譽、不復稱日耳曼、遠邇以西

所餘隙地、法蘭西拿破侖以兵脅之、皆降、後八年拿破侖
敗、各復爵土、嘉慶二十年、會議於維也納、議定日耳曼列
國、各守疆界、互相結盟、一切政事、集眾會議、靡有參以私
見、每國派公使一員、皆駐法蘭西、總帥一人、各國公舉奧
地利人為盟長、他國不敢當也、文字言語、各國皆同、同治
五年、普與奧戰、普獲勝、得土地甚多、有眾小國諸部皆屬
於普、奧皆不得主之、現普設法、易王為帝、而統日耳曼為
一國、同治十年、日與法相戰、甚迫、終至大勝、奪法二省、亞
撒西勞來因、而隸於其中、

通國分二十六部、其中有四國、一普國、別行序述、一曰巴
威里亞、在東南方、都城曰慕尼黑、街市華潔、居民善造細
皮、清玻璃、時辰表、名播四方、一曰薩索尼、為適中之地、銀
鑛眾多、都城曰德勒斯停、中有博物院、畫圖極富、刻像經
籍靡甚、更有一城名美參、製磁器、不亞於中國、亦有一城

名弗雷堡、其中有諸鐵礦、明時有士生於此、曰路德、本爲
天主教士、後離而立耶穌教、又有大邑曰來比細克、每歲
設市三次、諸國商賈雲集其地、書籍鐫刻最精、文字著作
悉備、一曰瓦敦堡、都城曰斯都德牙、以上三國皆爲王爵
更有上公之爵攝理者六部、一曰巴丁、都城曰加斯盧峰
巒、秀出、風氣清華、爲日耳曼國之最、一曰黑西、都城曰達
摩斯達、一曰梅略稜堡、有二部、曰施微琳、斯德勒支、一曰
廂敦堡、一曰薩克威密、都城皆同名、更有公爵攝理者五
部、一曰薩克斯、各堡額達、一曰亞敦堡、一曰梅凝認、都城
均同名、一曰不倫瑞克、一曰安哈忒、都城曰德騷、一曰阿

敦堡都城同名，又有侯爵攝政之部七：一曰留士，分大小二部，大曰咯勒斯，小曰給拉，都城皆同名。斯瓜斯堡有二部，曰盧德斯達，曰孫德厚森，都城同名。一曰里卑，有二部，曰德摩的，都城同名，曰燒問堡，都城曰不給堡。一曰襪爾德，都城曰阿羅森，此外尙有三城，爲商賈萃聚之地，自推般戶爲官司理事，不隸王侯。一曰旱堡，在易爾比河口，各國互市之地。一曰不利緬，通商在威塞爾河濱。一曰路伯克，更有二地，乃曾在同治十年自法所奪，而隸於日。一曰亞撒西，與勞來因合爲一部，異於他部，不能自主，而被京都議會諸大臣所轄。又有貿易製造甚多，其中有城，曰墨。

特斯有營壘鞏固又有斯特拉斯堡中有大教堂四方著名以上二營本爲法國至要之壘有軍兵戍此甚眾惟日與法攻時奪之歸其下至今新築炮臺而更爲甚固南有哥爾馬有多鐵貿易土產五金鉛水銀寶石花紋石礮硝磁器等

普魯士國志

普魯士在歐羅巴之中緯線自赤道北四十九度起至五十六度止經線自中華北京偏西九十三度起至百有十度止東至俄羅斯北界巴爾提海日耳曼南及奧地利日耳曼法蘭西西接日耳曼比利時荷蘭長二千四百里闊

一千三百里。總計五十萬里。戶口二千七百二十萬。地勢東北平坦。沙磧土磽。雨時泛濫。低窪之區。西南岡陵高原。閒有藪澤。田土膏腴。氣候溫和。夏暖冬寒。湖淤眾多。河之

大者西曰來因。東曰易爾比。尙爾維士都拉。

民性溫柔好禮。匠肆寥落。技藝巧良。所造轆轤。

火輪車最精。商賈雲集。崇奉耶穌與天主教。

至於朝綱。王位臨御。歷代相傳。子孫繼緒。古時爲北狄所

據。宋時爲日耳曼人征服。立爲別部。後爲披蘭得兼并。明

時日耳曼復取其地。晉人奉職忠謹。日主悅之。屢益以地。

康熙年間。乃自王其國。其王長於韜略。節衣儉食。帑藏豐

盈。歷代嗣君。雖遭兵戈之苦。然皆能自守。嘉慶十年。法蘭

西割其境土。晉遂弱。越六載。晉民不悅。法政思其故主。王

因民之怨也。料合諸國攻法。法師潰而棄地。甄復故土。至

道光二十年。非的利克卽位。卽今之王也。王修國政。勤農

事。設學校。惠商賈。由是百姓親附。隣民皆喁慕義。遂爲

西土顯國。其制民及歲者。工入肆。秀入學。否則罰其父母。

年二十以上，男丁皆入伍學藝。三年放歸，每歲秋操閱，施賞罰。故其國兵多而強。同治元年，本國與奧共攻丹國，得其三地。越四年，普與奧不和，大相戰鬥，普獲勝。在日耳曼列國中，爲盟主。其地皆屬於普。今修葺各城池，統歸其下。同治十年，普與法相爭，而後大勝。至和協之時，卽奪其二地，又受其重賂。見日與法國志下。

通國分東西兩土，共有十四部。其東隅一曰巴郎丁堡，沿河水澤流通，草木暢茂，製造磁器，勝於中華。鐵器燦若金銀，物精價廉，遠方咸來貿易。都城曰百爾靈，有孤子院、武藝院、醫院、軍器局，靡勿壯觀。宮室廟宇，甚屬峻麗。衙署整潔，邑之華美。於斯爲盛。更有波的斯但，法郎佛忒，在荷德河之邊。一曰坡美拉尼，其北近海，沙阜出琥珀，民用之造寶玩物件。會城曰斯特丁，河流深廣，海舶可通，帆檣雲集。

貿易繁盛。一曰細累細亞。會城曰伯勒斯勞。百工畢集。文
儒萃焉。一曰薩索尼。與日耳曼牙錯。會城曰瑪提堡。壘高
池深。屢捍大敵。又有城曰威丁堡。昔爲天主教所掌。明時
路德出於此。立耶穌正教。遂毀其祠宇。一曰普魯士。古土
會城曰哥甯斯堡。空闊難守。但錫克海口。貿易甚繁。又有
麥末爾城。多出木料。一曰坡森。本坡蘭地。普與俄奧瓜分
得之。會城同名。街市寬廣。一曰惟斯法利亞。土田肥沃。林
木茂盛。民織麻布。善造火腿。售於各國。會城曰閔士得。一
曰萊因。其上沿河傍山。會城曰哥羅尼。貿易繁茂。製香水
極佳。舟楫往來如梭。所屬本城。有大書院。益百田。百工萃

處突鄉最美之城。有教堂一座極大美麗。造至六百年甫成。街寬市廣。其下山水清秀。遠客常來游玩。民勤紡織。一曰黑森拿騷。都城曰法郎噶忒。在美因河之邊。一曰勞因堡。都城同名。一曰查德第士。都城曰維亨沙分。一曰和恨所倫。都城曰黑真恩。一曰斯勒斯維革。吳斯敦本爲丹國所屬。被布奧所攻。而隸於魯部之中。都城曰亞多那海口。名幾爾。一曰哈諾威。本爲自立之國。康熙五十三年。有王名若耳治者。值大英嗣位無人。英之臣民招若耳治。奉以爲王。子孫承繼。哈諾威歸其統屬。及道光十七年。嗣位無子。英立維多利亞爲君主。至今在位。哈諾威自立爲國。惟

同治五年，普與奧相戰，哈諾威辭不助普，而悅奧，故普勝。奧之後，卽奪其國王之位，而降爲部落，隸於普。下土產銅、鐵、綢、絲、布、磁器、穀、木。

奧地利國志

奧地利在歐羅巴之中，緯線自赤道北四十三度起，至五十一度止，經線自中華北京偏西九十二度起，至百有八度止。東北至俄羅斯，普魯士，西接瑞士，日耳曼，南界土耳其，以大利，長三千里，闊一千五百里，總計之方八十五萬里，戶口三千八百萬。其地峻嶺矗起，峰巒迴環，冰雪凝積，歷久不消，餘平原兼有沙磧，深林密箐，頗有可觀。藪澤淤

下氣候溫和甚宜人物田土膏腴穀菓豐登湖河廣多沿
流灌溉河之大者中曰多惱支派紛歧舟船絡繹迤北與
西南隣國支派甚眾湖之大者曰不拉敦西南曰加大哥
莫

居民種類不一均不往來性俗多為粗魯游行無定聞有
聰敏專務向上技藝近來精巧匠肆林立貿易興隆奉天

教

至於朝綱皇帝臨御歷代相傳男女皆得踐祚惟以長幼
為序政由自主漢時為羅馬所征服越四百載為北狄所
據及唐法蘭西取其地立為別部元初日耳曼有酋羅得
福者攻獲輿地各部推立為王稱為東國疆土褊狹無大
權越數十載歷代嗣君邦基漸廣創業垂統漸與臨邦姻
姪相通是以附近各地多為所有嘉慶九年其國君甚至
進爵為帝雖曾被法蘭西君拿破侖攻克占據過半至嘉
慶十九年兩國議和惟荷蘭仍自為國其前失各地盡行

恢復現爲日耳曼列國中，最爲強富，推大國焉。咸豐九年，本國有法蘭西，撒丁二國攻戰，法撒得勝，取倫巴第之地，屬於撒王。同治二年，與普共攻丹國，得其屬地。越四年，與普戰大敗，不得與於日耳曼列國之中，亦失其地，歸於以大利。

通國分爲三土，曰日耳曼地，奧之故土也。曰匈牙利，曰波蘭地，後來之所割也。奧地利之曰耳曼地，分十部，一曰奧地利，改上下兩部，都城曰維也納，王宮華麗，殿堂規模宏敞，織造萃聚，街市喧闐，女人姿質風流，儀容秀美。又有書院藏書七萬冊，一曰薩爾斯堡，一曰地囉里，會城曰音斯不囉克，一曰士的里亞，會城曰加拉德斯，一曰加宜府拉，會城曰來八，海口曰的里斯德，爲地中海大埠頭，其地山

洞千餘，深遠長短，曲直靡弗備具。景象美麗，古怪奇異。最多鍾乳石，天然生成，垂懸空際。內有一洞，人行可通二十里，爲湖所墮，人未嘗探其奇也。一日波希米爲奧之上壤，有泉水靈異，可以療疾。居民善造玻璃器，織麻呢細布。會城曰巴啦加，內設書院，藏書籍萬冊，習文藝者千餘人。一曰摩啦惟亞，會城曰布倫白細，繫維亞，會城曰特勞堡。其奧之匈牙利地，居民貌似蒙古人。古爲匈奴部，遷徙至此。宋時立國，稱雄一時。久而浸衰，明季女主嗣位，配奧王爲夫婦。時匈奴牙利爲波蘭土耳其攻侵，皆賴奧兵力退敵。保疆遂挈國合於奧，幅員大於奧。雖爲奧轄，不服王化。自

立理法近奧強服大相戰爭奧敗績請兵於俄羅斯求其
來援征服匈始隸版圖傾心歸向其地分六部一曰匈一
曰斯拉縛尼一曰哥囉亞西都城曰布大一曰達郎西瓦
尼會城曰克路森堡一曰碎維安會城曰低末斯法一曰
邊疆南界土耳其各農練爲壯勇鎮守疆域土人來侵則
衝鋒突陣一曰達瑪細亞地形狹長田土磽瘠不足於耕
民多捕魚會城曰撒拉土產麥麵五金水銀最富寶石磁
器毛呢牲畜等

其奧地利之波蘭地舊分二部一曰加里細樹林叢雜熊
狼居之獵戶殺之而獻其皮官給以價其土鹵可煎鹽民

惟務農會城曰稜卑各一曰布哥維納本土耳其地奧割
得之因波蘭故附之會城曰撒佛維支其民長於貿易雖
隸於奧而自有酋政以上二部後歸一國名加里細土產
穀木鹽

土耳其國志

土耳其在歐羅巴東南緯線自赤道北三十九度起至四
十九度止經線自中華北京偏西四十七度起至一百度
止東及黑海瑪爾摩拉海西連亞得亞海奧地利南枕希
臘及希臘海北至奧地利俄羅斯長廣均二千餘里總計
之方五十萬里戶口一千萬其地勢南方海灣凹凸島嶼

羅列東北平原廣坦，沮洳藪澤頗多，中央山巖險峻，勢甚綿亘，若斷若續，山南草木向榮，競茂嫵媚，有致，河湖甚多，河之大者，曰多腦支，派分岐，又瑪黎薩湖之大者，曰拉塞音，日尼佛，氣候溫和，四時咸宜，惟穰氣薰蒸，人觸之多疾，病田土膏沃，穀菓咸宜。

民情風俗大抵與亞西亞相同，其謙傲勤惰強弱，咸各殊異也。衣服美麗，以帕蒙首，形體猥瑣，容貌鄙陋，工作技藝俱屬平庸，所造之物，僅敷所需，水陸貿易，靡弗繁盛，因官長有苛政，庶民荒於其業，是以國內經營者，外客居多，勤奉回教，又有奉希臘教尤多，初土人叛回教，輒殺之，茲則聽其自擇焉。至於朝綱國位，歷代相傳，政由君出，地分中央東西三土，中東在亞西亞西，西在歐羅巴，古時悉屬羅馬，唐初亞喇伯取中東二土，五代韃靼里人攻取亞西亞之西，全國至歐率兵戰勝，驅之及成吉思，強服，元初有土酋阿多曼招集。

眾人肇造邦國卽以己名名之傳至其子開疆日廣至裔
摩哈麥具梟雄之姿取君士但丁爲國都三土全歸統轄
此後歷代嗣君侵阿非利加之北亞喇伯海濱歐羅巴之
東南復自內作色荒外弛武備稱亂國焉嘉慶時王竭力
修政然民橫亂東隅之眾多不翼戴王室中土猶強應其
役西土接踵而起日尋干戈南土分裂歸於希臘外藩亦
隔絕不通間且與俄戰俄兵圍其都城國幾亡英法爲
之議和而罷後埃及總督叛之自主未和君薨道光十九
年其子嗣立卽今在位之君也禮賢納士由埃及總督矯
命求援於英法俄惟割其數屬于督遂修貢於土君近
日匈牙利有軍士數人逃此俄奧欲強釋之士君不從賴
英法之助俄與不舉兵侵伐然尙圖報復也咸豐三年俄
羅斯侵奪其地賴英法相助後三年乃講和光緒三年俄
與土屢次交戰俄終獲勝後歐諸國大臣集於日京共商
土國議定而分其版圖或自立爲主或仍歸本國見下文

通國分九部曰羅美里亞古爲馬其頓德來斯二土都城

曰君士但丁乃京都也城垣高大殿闕巍峩城外海港深

廣商賈輻輳，歌舞樓臺，連薨接棟，風景美麗，庠序醫院，書庫浴室，靡弗具備，萬厦雲連，各國使館在焉。多瘟疫火災，所轄亞得利安城，有古殿，閭閻凋敝，撒羅尼加爲商賈互市之地，曰布加喇亞，會城曰梭斐亞，建於河濱，設堡周備，以禦俄軍，曰阿百尼亞，在海濱，民喜鬪掠，會城曰日尼，曰帖撒利，會城曰拉利撒，地近希臘，口有隘卡，聲名遠播，古波斯與希臘相戰，其後歐囉巴禮儀，漸勝於亞西亞，其外有數部如下：

一曰羅馬尼亞，會城牙西，一曰塞爾菲亞，會城曰別甲的，池深城固，曰波斯尼亞，合土耳其哥囉阿細亞爲一鑄刀。

劍爲良會城曰波斯那細來。一曰保斯尼呀。及黑西哥。歸
奧土。曰坡加利亞。曰蒙的尼哥。會城曰摩斯達。一曰東羅
美里亞。仍歸土國。以上數部時被虐主挾制。羣凶縱橫。殘
剝庶民。民不堪其苛政。屢行背叛。并力攻拒。土君不能征
服。與之議和。今或自立一牧。以理庶政。或自立爲國。得避
土王之虐政。俄帝時而垂顧撫綏。納貢稱藩於土焉。又有
干地亞島。在地中海四周。一千六百里。外平坦。中險峻。海
濱田疇甚沃。海口漸爲沙淤。商船多爲所阻。古爲名勝。後
爲土王攻取之。至埃及總督叛土政。島歸督主。其民多崇
希臘天主教。近時叛土耳其。搆讐甚多。至今尙未平靖。土

兵大勝。民多徙居希臘。土產煙、葡萄、羊毛、銅、鐵、錫、鉛、礬、礬、紋石、橄欖、油等。

希臘國志

希臘在歐羅巴之南，緯線自赤道北三十六度半起，至三十九度止。經線自中華北京偏西九十二度起，至九十六度止。東至希臘海，北界土耳其，東南地中海，長六百五十里，廣五百里。總計之方七萬里，戶口一百八十萬。其地關山迴隔，九曲盤繞，谷野圓亘，景象新奇，羣峰競秀，望若列屏。河湖眾多，均不甚巨。洲嶼灣港，繚環羅布，氣候溫和，田土豐腴，穀菓豐登。

士女儀容秀美，好華冠麗服。土人性情風俗不一，或居平野，勤於游牧，或居山中，劫掠專務自主。昔時騷人墨客，論政講道之士甚多，文教昌明，聲名文物，亟稱一時。後數百年，一敗塗地，百工技藝，不甚精巧，匠肆蕭條，貿易寥落。今則漸復興起，建書院，立義塾，教化將復。

如昔崇奉希臘教，為天主教之分派。至於朝綱，昔時邦國眾多，歷代相傳，今為新造之邦，尊稽太古歐羅巴混沌未開，夏時希臘有向化者，始教以構屋營居耕種，商時灑哥洛從埃及來，立國於雅典，教民禮儀文字，分十二國，各霸一方，不相統屬。後為民棄，自立數國。波斯人率軍百萬來戰，敗北，希臘遂興。蒸蒸日上，進於禮儀。文字遠布，實為歐羅巴文學之始。漢時羅馬克服歸於一統，數百年，明時土耳其攻取為一省。道光二年，希臘人叛土，血戰八年，後賴英法俄三國護庇，國賴以復立。

通國分三地：一北希臘，二摩利亞，三羣島。北希臘東有亞的加，其雅典乃京都也。建在海灣，昔為文物聲名之邦。今則市井寥落，景象蕭條。西亞加爾拿尼羅格里，其通商埠。

頭墨龍依南土摩利亞有五部曰亞歌黎斯內有腦比里亞城在海口希達啦島斯拍西亞島均爲通商之大埠曰亞爾加地內有得破立撒希之堅城曰默細尼曰拉珂尼亞亞加亞與依利斯內有巴戎啦斯亦大埠頭曰尼鄂奔多島地形狹長與東希臘一綫相連十部之外其西有約尼亞羣島總計之方一萬里戶口二十三萬曰各府貌喇以他加喀法囉尼塞利歌散地巴克索前有渠掌政令蒙英保護遂屬於大英以各府爲都城英設大臣駐此今仍歸希臘屬土產橘子橄欖油葡萄乾酒蜜南菓蠶桑等

以大利國志

以大利在歐羅巴之南，緯線自赤道北三十七度起，至四十七度止。經線自中華北京偏西九十八度起，至百有一度止。東距亞得喇亞海，北界奧地利、瑞士，西南斜跨地中海，長二千五百里，闊大略三百六十里。總海島而計之，共四十萬八千里，戶口二千八百萬。其地山嶺綿亘，蜿蜒遍於通國，間有野谷，若斷若續，氣候迥異。北方嚴冷，寒風凜冽，中央炎酷，瘴癘侵人，南則近於海區，較爲溫和，田土肥沃，五穀則頻書大有，百菓則無歲不稔，花卉芬芳，幽谷深巖之地，名園嘉囿之間，風景清淑，遠客來遊者甚眾。河之大者，曰玻亞的亞爾諾，低伯湖景甚雅，中北爲最。

居民身體荏弱外寬柔而內陰賊常昏夜殺仇且多隱山野盜賊攻商旅談論詆譖喜謳歌有稷下之風繪畫音樂甲於天下農事維惰工作技藝較法英等國稍庸尚屬精細匠肆亦不鮮少商賈輻輳貿易殊盛奉天主教耶穌正

教者

稍有

至於朝綱國位昔屬一統歷代相傳後則各自分列或王公侯伯或民牧教宗名位不一古為土番散部周時羅馬崛起國勢漸強疆土四闢漢時縱橫千萬里跨歐羅巴亞西亞阿非利加三土或兼攝統轄或修貢職為臣妾居然大一統之勢建都城於羅馬諸國景仰晉時又建都於黑海之峽名君士但丁厥後傳世久嗣王多淫亂敗度內訌迭生西北諸部皆擁土擅立本國遂分為二羅馬為西王君士但丁為東王東王於明時為土耳其或西王居以大

利故土宋時東北之狄侵取越三百載法蘭西取之以奉

教主後又分裂為日耳曼之屬自此時合時分屢相侵擾

嘉慶十年法王拿破倫攻克為藩部越十載拿破倫敗各

國公使齊集維也納會議咸豐九年法蘭西撒爾第尼與

本國爭兵勝之得京都羅馬全地屬於撒爾第尼其王名

以馬內利其政事與大臣共議成之當以大利王即位時

法兵助教化王在羅馬權民謀叛故也今年法兵歸國教
王自主為政光緒九年一切本部歸服以大利王合為一
國即以羅馬為京都

地、通國分為十五土中有六十九部略言於下、一曰羅馬古

昔時其地文物聲名為歐土最大都會迄宋代狄攻時宮
殿古蹟皆為所毀文藝書籍殘缺焚棄駐羅馬之主教者
乘機宣佈徒眾紛繁由是天主教興而主教者稱名教化
皇施其大權散行天下明時日耳曼人路得別立正教崇
事耶穌斥天主教之異端諸國漸歸耶穌正教都城亦曰
羅馬前代古跡尚有存焉今所建之天主堂輪奐宏麗光
華射目街衢甚廣國政苛虐風俗頹靡民不能堪道光二
十九年思革其非百姓遂亂大興干戈擾亂羅馬王為民
逐求救於法蘭西法與兵與戰羅馬之叛民敗績
仍復教王今已被以王為主以羅馬為京都也

一曰辟們在西北隅前有王以攝理政由自主都城曰多

靈殿宇宏麗。觀者嘖嘖稱美。辟們中遵耶穌正教者不下
二萬人。前爲教王節制。故往往受其殘虐。羅害靡窮。又有
熱挪阿在海隅。昔爲地中海市廛之最盛者。萬艘鱗集。戰
艦皆泊於此。今衰微已久矣。昔日繁華之地。轉瞬成空。鞠
爲茂草。惟衙署數椽。巋然獨存而已。又曰撒丁島在地中
海。土壤廣漠。林莽間雜。民俗粗魯。披羊皮帶器械。隨在游
牧。性情悍獷。

曰倫巴地。會城曰米蘭。近海濱。幅員廣大。山水清幽。有天
主堂。廣二十七丈。長四十五丈。華靡美麗。咸豐九年。本國
有法撒二國攻戰。戰敗。此地歸於撒。曰威尼亞。會城曰

威尼斯臨亞得亞的海其初爲大埔頭萬艘鱗集握地中
海之利權千有餘載今則衰廢通商無多城建立於澤地
街衢皆小河人不駕車而駛船往來飛橋橫跨不礙舟行
所屬巴士亞城內有書院道光三十年居民皆叛奧地利
欲自爲主奧以大兵征服之遂復如初同治二年奧與法
及以大利戰盡失其地而歸以大利

曰多斯加納在西北都城曰佛囉稜斯同治二年暫爲京
都街衢華麗萬厦雲連丹青鐫刻極爲精細利縛爾挪城
係海口商船萃聚商賈往來最盛曰翁比喇亞曰瑪爾折
斯以上三部前天主教中與東方之地同治元年歸於以

大利國王曰巴爾瑪在北方都城同名及摩第那以上二部總名以米里亞曰堪板尼亞會城名那不勒斯在西南隅三面瀕海前與細細利島合爲一國中隔默細那海峽有王以撫馭都城亦同此名屋宇高峻殿闕巍峩乞食於市者成羣結黨良民往往爲其所擾環城皆山深嶺幽谷閒有火山名非蘇非約其巔常出烟燄或炎石墮空或飛塵蔽地或火漿迸流如草木盡爲之焦灼古有二城與火山相近爲飛塵所蔽已閱千八百年土人掘出城堞依然傳爲怪異屢遭地震禍患頻仍然田疇肥沃百物富庶生齒殷繁無肯遠避細細利島會城曰巴勒爾摩埔頭曰

默細那田極豐腴多出穀菓火山名挨德納爲歐土之最著焚毀鄉邑由漸而盛其島之北有里伯利島內有火山二吐燄不熄其以大利西南有瑪爾島民勤耕稼人烟稠密飲食節儉明時回部方強攻取此島選驍勇之士駐兵防拒乾隆中法蘭西攻之使降大英旋以兵船戰勝法取之調兵嚴守以爲地中海戰艦之大口更有數部如亞浦利亞加拉德利亞巴細利加大等土產葡萄酒橄欖油橙柑檸檬栗諸菓絲綿最富

瑞士國志

瑞士在歐羅巴之中緯線自赤道四十六度起至四十八

度止經線自中華北京偏西一百十六度起至一百二十
一度止東界奧地利西連法蘭西南接以大利北至日耳
曼長六百里廣四百三十里總計之方五萬五千里戶口
二百八十萬其地勢萬山疊峙峰嶺參天冰雪凝積時或
下墜遽爲民患野谷綿亘均爲幽勝氣候迥異山嶺巖寒
平原溫和山谷炎熱遠客徧遊全地取其清奇甲於歐土
溪澗交流河湖甚多河曰萊尼支派約數千曰羅諾湖曰
日尼法曰懇斯灘斯曰牛砂德曰盧撒拿曰蘇利克

居民不一分東北中三方北有日耳曼人務織布西有法
人製表極細巧中有以大利人三民皆勤耕種務游牧夏
時驅逐山巔秋冬乃歸飲食節儉終身悅樂謳歌納福樂
道懷仁其量寬裕其性溫和其志固執行旅客商棲之食

之相待不啻親串
奉耶穌與天主教

至於朝綱不設王位風俗猶古羅馬後爲北狄所滅旋爲
法蘭西有又有日耳曼奪其民臨陣悍勇効力死戰元時
日耳曼王無道瑞士人逐守吏以叛初分三部後分十三
部擇賢者爲鄉官以理民事嘉慶三年法王拿破倫以兵
力強入版圖改十九部拿破倫敗各國公使會議於維也
納十九部外益以犬牙相錯之地日尼法牛砂德法累斯
三部共合爲瑞士國仍其舊俗自推鄉官理事酌地勢按
戶籍拔丁壯禦侮諸大國不得鈐制遇國之內外大事部
使鄉官集議於公處在柏爾尼
蘇利克盧撒爾拿每年挨次

通國分二十二部曰伯爾尼首邑同名爲眾部之都會曰

蘇利克明時耶穌之徒傳福音英字聖經先印於此曰盧

撒爾拿曰亞爾高曰弗里堡曰瑞的斯曰牛砂德初屬普

魯士管轄有國君分派之官四十五員其後割之以予瑞

國會同公議治理國事曰砂弗毫先曰日尼法初屬魯士其後割之以予瑞曰蘇克曰加拉魯曰巴勒曰亞奔塞曰桑高祿曰梭婁爾首邑皆同名曰給里孫首邑名佳爾領以鄉官頭目曰德信首邑名比隣梭那曰圖爾高首邑名弗留尼曰翁德瓦丁首邑名斯丹曰烏黎首邑名亞多弗曰縛的首邑名羅叁建於河濱風景極麗曰法累斯首邑名西按土產木料葡萄熊羆撥鼠腮鷹羚羊鹿

西班牙國志

西班牙在歐羅巴西南隅緯線自赤道北三十六度起至四十三度止經線自中華北京偏西百有五度起至百有

二十八度三十分止北與法蘭西比斯加灣接壤東距地中海西界葡萄牙南爲大西洋地中海匯流之所長二千里廣一千六百里總計之七十三萬里戶口一千七百萬其地勢峯嶺重疊自東方至西其勢蜿蜒北方崗巒錯雜溪澗交流中央之地高原平廣餘則山川秀麗陵谷開田野綿亘氣候不齊北冷中熱南方酷暑如蒸卑下淤濕田畝甚高雨澤鮮降民多牧羊以爲生海濱風景清淑羊馬驢騾矯健而良多產嘉果勝於他國湖水微細河道不一西曰斗囉塔沽斯南曰瓜達畿菲瓜低安東北曰厄波囉居民風俗性情不一性甚傲僻氣豪膽壯既結仇怨不復相釋樂於戰鬥冒險不顧飲食節儉如有酒菓不輕嗜飲

情於農作，早餐後必午寢，大半貧乏，無財多居蘆寮，男女並好彈琴，互相舞蹈，人皆帶猛牛，今其相鬥，又有力者，率颯強之，牛捉而刺之，眾民環觀，望而歡呼，獲勝則為眾喜，接工作技藝，較列國稍拙，然工肆亦不少，所造諸物，尙屬精麗，通商貿易，途分水陸，陸路稍狹，水程實繁，貿易之盛，多在海濱埔頭，稅餉所入，不敷所用，養兵太多，軍糈不給，恆貸於富民，以償息，近因失信不償，民不肯貸，敵兵壓境，輒因餉缺，取敗，奉天主教，昔神父有大權，開局審判，教事違者，以火焚等。

至於朝綱，歷代相傳，男女皆得臨御，按其國之初，五方之人雜處，為加達額據，漢時羅馬征服之，越三百載，為北狄所侵，唐時回人侵擾，而據其地，僅餘亞斯都里，部內有侯伯拉約，與師大捷，推立為王，子孫繼緒，漸延邦土，得地分建數國，歷七百年後，因回人自不相睦，叛者蜂起，至明成化十五年，女主依撒伯，養非多難，遂將諸部合而為一，女主遣其臣可倫波拓亞墨喇，加諸部，銀鑛甚多，據太平洋之呂宋，建設埔頭，帆檣鱗集，百貨流通，國之富饒，以此至明正德時，日耳曼內亂，其國王查理第五，賢能，日耳曼迎之為王，其國立世子非立第二，兩國聯為唇齒，國益富強。

康熙時王查理歿無子奧地利王欲立其子法王欲立其孫舉兵互爭後爲法之非立第五所得代與英法構兵而勢衰嘉慶十三年法王拿破侖所據立其弟爲君英吉利葡萄牙合兵攻之遂拿破侖弟立故王世子非多難歿後無子立幼女依撒伯卽位聽政其外設官二等會集公議治理國事

通國昔時分爲十三省近則改爲四十九部曰新加斯德中央之地沙磧高燥玩分五部曰瑪德里首城亦以此名乃京都也宮殿宏整廟堂峻麗內有學署醫院觀星臺軍功廠古玩庫藥草圃療畜館瓜達拉薩多勒多固盈加九達嚒曰舊加斯德山原相間現改入部曰不哥斯羅歌羅挪三當德爲北境大埠頭索里亞塞額維亞維拉巴稜西法拉多利曰良現改三部曰良薩拉慢加古時爲大都會

代有聞人自遭兵燹凋敝稍存薩摩拉曰加黎西卑濕牧地現改四部曰哥魯那城建海濱泊舟最穩商賈輻輳爲西北大埠頭港口有炮臺極堅顛額府稜塞奔德非得啦曰加拉拿大曰瓦稜薩現分三部曰瓦稜薩城建平原街衢修整屋宇峻麗市廛之中肩摩轂擊有大書院肄業眾多亞利刊爲東南大埠頭加斯得倫曰木爾西分二部曰木爾西亞巴西的曰亞拉岡山嶺重疊寒暖迥殊現分二部曰撒拉歌撒昔盛今衰血斯加德魯曰納瓦毗連法蘭西仍爲一部曰亞斯都里境負大山民居巖谷農作甚勤仍爲一部名疴維多曰加達羅尼現分四部曰巴爾塞羅

那城建海濱次之京都貿易昌盛爲東境第一埠頭達啦
歌那勒黎達其羅納曰比斯加分三部曰比斯加會城繁
盛總聚羊毛之地給不斯孤城建山麓爲北境之管鑰屋
宇炮臺靡不具備嘉慶時爲法蘭西所侵擾變爲灰燼事
後乃復其初亞拉縛曰額斯德瑪多改二部曰巴達若城
建河右極爲堅固加塞勒斯曰安達羅西氣候炎熱水土
平良現分八部曰加拉那達舊爲回回王都稱南方大都
會亞美喇亞瑪拉加城建海濱泊舟最穩貿易繁庶爲南
方大埠頭曰塞非里城建平原豐饒爲南土之主烏厄襪
加的斯城大而堅建於海角著名西土爲通國第一埠頭

南境又有日巴拉大爲地中海門戶大英築堅城
於盤石上建炮臺設營兵已百五十年矣其外有五島曰
瑪惹架米諾架佛爾們德加卑勒壹維薩合爲一部名巴
利亞里土產穀菓絲綢鹽五金水銀最富礪砂浮木牲畜
等

葡萄牙國志

葡萄牙在歐囉巴之西南緯線自赤道北三十七度起至
四十二度止經線自中華北京偏西百二十三度起至百
二十六度止東北界西班牙西南距大西洋長一千二百
里闊三百六十里總計之方十三萬里戶口四百五十萬

壤地褊小，環境皆山，絕少平坦之地。河皆發源西班牙，由此入海。湖之大者，曰隆加巴砂，氣候互異。西北溫和，東南炎熱。田土膏腴，農情耕作，然五穀百菓，歲必大稔。林木叢茂。

民之風俗性情，與西班牙相類。惟以偽善勝之。技藝平庸，商旅膺至，舉國禁傳耶穌正教。崇天主教，民之貧乏者多，財貨歸。

教師。

至於朝綱，男女皆得臨御。其國初為西班牙西境，唐以前事之始末，政之變更，皆與西同。宋時加斯德拉王，其臣英黎給功高，德厚裂土封之。以盧西達尼數城為其采地，使尚公主，封以伯爵。其子襲父職，大敗回人，漸拓邦土。民推以為王，是為立國之始。歷代以來，征服回部，邊疆日擴。版圖漸廣，有賢王曰馬努利，立法制，嚴防守，國稱大治。子約翰與西班牙通婚姻，四境乂安，倉儲充實。英黎給嗣位，無子，西班牙乘勢兼井，歸於一統。越六十年，西政貪殘，葡

人不堪倒懸遂其守土之吏復立故王支派嘉慶初法蘭西王拿破倫侵伐不能捍禦王遂棄國攜其眷屬出奔巴西迨拿破倫爲英軍所敗王乃歸國尋卒世子留玉南亞墨喇加之巴西兼王葡人民謂王貪兩地不協與情乃自王巴西道光十八年遣幼女瑪利亞歸王葡贅日耳曼世子爲婚夫卒再贅卽今在位之女主也先是歐土諸國自開關至元時自相往來罕通別土人善算數習天文用儀器測量日之出入星躔度數水陸方向遠近明時國王遣善操舟者駕巨艦南行由阿非利加之西境轉而東至麻喇甲徧歷非喇加之東境抵印度之西境復轉而東至麻喇甲徧歷南海諸島國所至輒留葡人營立埔頭隆慶時抵粵之澳門請地建屋歲納租餉疆臣爲之代請許之葡人遂立埔頭於香山縣之濠境是爲諸國通市中國之始後西班牙荷蘭接踵東來法英繼之葡人所立小西洋東南埔頭僅餘澳門一廛今爲其所統轄

通國分八部曰額斯德瑪多中央之地首城名里斯奔乃京都也跨山臨水樓臺疊起學署書庫觀星臺軍功廠靡

弗峻麗郊外港通海口泊舟最穩轉輸極盛商旅往來如織周而皆礮臺扞衛甚嚴乾隆二十年遭地震甲第廣厦轉瞬之間不遺一椽死者尸相枕籍近乃修復如故曰卑啦首邑名固英巴拉曰亞零德入富庶甲於諸部首邑名厄窩拉曰亞爾加非首邑名法囉曰斗囉米虐首邑名癖坡多爲西洋黑酒大埔頭曰達啦蒙德首邑名巴啦干撒其外西南曰亞索喇九島在大西洋人民二十萬曰馬德辣島氣候清和水土嘉美地產五金寶石礬磁石鹽菓酒等

法蘭西在歐囉巴之西，緯線自赤道北四十三度，二十分起，至五十一度五分止，經線自中華北京偏西百有八度起，至百二十一度止，東界日耳曼瑞士，西統比斯加灣，北接比利時，英吉利窄海，南至地中海，西班牙長關各約三千三百里，總計方七十三萬里，戶口三千七百五十萬，其地東方山巒斷續，南隔比里尼斯山，餘則邱陵寥落，平原甚廣，河支匯流，其道縱橫，河之大者，東曰囉尼，北曰塞納，西南曰羅瓦爾，加倫湖曰塞德，貨物轉輸，悉從水道，隨在皆通舟楫，有溝洫以蓄洩，壤地極腴，授田數畝，農力惟勤，氣候不一，夏燥冬寒，餘則溫和。

居民性情無常習俗豪俠好勇喜鬥以致政事紛更互相
攻擊終日歌舞無成容男女貴賤衣裳艷麗雖一擲千緡
亦罔所惜農勤開墾頗有法式技藝精巧工於製器火輪
車船時辰表自鳴鐘歲造不可勝數士勤學問天文地理
靡不精通然所著書籍半類小說壞人心

術叛於天道奉天主教開亦有奉耶穌教
至於朝綱國位傳於子孫否則公會治理或庶民推舉
有定制古名之高盧為野番部落漢時為羅馬征服屬
大利西境後羅馬衰亂為北狄日耳曼分據齊時哥羅維
驅逐北狄據其全土改國號曰法蘭西是為立國之始至

唐天寶時嗣王為民所廢立相北比諾為君穎敏好學奮
發有為勵精圖治其子甲利曼有文武才開館舍招致西
方文學之士百廢俱興城邑宮室道路創造宏整規模丕
變極一時之盛傳國數世至宋雍熙時衰亂國人立公爵

武額加頡多為王傳數世嗣絕更立瓦羅義斯為王宋
理宗時路易嗣位長吏術精名法修國政簡賢任能號為
中興與英吉利世為姻婭當法王嗣絕之時英王義多亞
第三因與故王有甥舅之誼當分封地舉兵要之從此構
釁數十年干戈不息元時為英所滅即有幼女恢復疆土
明萬曆時旁支嗣位顯理第四自修布仁子屏其相壓侯

而嘗民至路易十四講武嗜戰諸國悉叛乾隆三十八年
卽路易十六內寵擅權民不堪命後十六年大亂弒王設
領事官三人攝王政拿破倫爲首乘勢撫循眾庶遂握大
權嘉慶八年卽皇位恃其威武欲混一土宇繼羅馬之蹟
滅荷蘭廢西班牙取葡萄牙兼并以大利瑞士日耳曼割
割奪奧侵丹國圍其都城所向克捷諸國畏之如虎嘉慶
十六年以大兵伐俄師旋時天驟嚴寒軍士凍死十之七
八諸國乘其敝也合力攻之所侵之地全失又收拿破倫
於易爾比河上之炮臺至嘉慶十九年逃至法國招集軍
旅往比利時與英軍戰旋敗北爲民所逼退避君位流於
三厄里那島六年而死嗣之公使會議維也納凡拿破倫
侵地各歸故王或分贖或合併互立盟約不相吞噬於是
立故王之裔路易爲王十年卒其弟查理在位六載國人
廢之立路易非立爲王王寬仁納諫有賢聲道光二十八
年國人廢之逼於英吉利不數年而崩庶民立拿破倫之
姪路易拿破倫爲首期以四年成豐二年已屆其期不肯
遜位召兵助之復期以十年事乃定現已登大寶同治元
年法與撒攻奧大勝而奪奧數區卽歸撒下又有撒國二
部償法至光緒元年日與法相戰甚迫日大獲捷效倂法
兵數十萬遂入其國收其京都至終日奪法二部歸其麾

下強罰八千億銀而和平在相攻時法君亦被囚獲未幾
赦釋即歸英國迨後而死今法政乃民選首領爲主更有
二等議士
共商國政

通國舊分三十二部現改爲八十六府曰壹里法蘭西今
分五府曰塞納首邑名巴黎斯乃京都也殿闕巍峩複閣
層樓宮室庠序廟堂祠宇靡不峻美雄麗文彩輝煌爲一
時之壯觀他若離宮別苑石坊橋梁亦皆窮極精雅工巧
絕倫街衢屈曲環繞列肆密如蜂房商旅往來肩摩轂擊
晝夜不絕歐土都會之盛推爲第二城內大書院藏印鈔
書籍遊學之士許其就院屋借讀設醫院學醫者齋糧從
之學成然後歸又有繁術院凡術藝之師皆在焉如兵法

河道器物各就所願以肄業。痾斯、哀斯內、塞納及痾斯、塞納及馬內、法蘭得、改一府曰諾爾。首邑名列黎。建城堅固。貿易繁盛。製造最良。海口曰東克。爲商賈薈萃之所。亞多亞、改一府曰巴的加雷。比加的、改一府名索美。海口曰補倫。貿易殊盛。諾滿的、改五府曰下塞納。首邑名盧昂。爲織布之要所。又海口曰哈非。加瓦多。滿砂。海口曰舌布爾克。亦師船所聚。痾內與勒。以上四部皆在北方。賞巴尼。改四府曰亞德內。痾卑。上馬內。馬內。羅來內。改四府曰謬斯。謬德。及木塞勒。窩斯日。以上二部皆在東北。隅賣內。改二府曰馬也內。薩爾的。安如。改一府曰賣內。及羅瓦爾。北利達。

尼改五府曰壹列及維勒內哥都諾非尼斯德海口曰比臘斯的戰艦停泊於此摩比罕下羅瓦爾海口曰難得斯爲貿易薈萃之所以上三部皆在西北隅波亞多改爲三府曰溫的二塞勒維也納安如瑪改一府曰砂蘭森當改一府曰內下砂蘭海口曰羅舌勒貿易最盛之所又羅舌縛爲師船聚泊之所以上三部皆在西方疴里安奈改三府曰與勒及羅瓦爾羅瓦勒羅瓦爾及捨耳都來內改一府曰音德及羅瓦爾比利改二府曰捨爾音德尼威內改一府曰尼威不波內改一府曰亞列馬而使改一府曰哥留斯黎木性改二府曰上維也納哥勒塞疴威內改二府

曰北多美、敢達、亞撒西、改二府、曰下來尼、上來尼、以上九部皆在中央、佛岡德、改三府、曰上索內、都伯、汝拉、不干的、改四府、曰約內、哥多、索內、及羅瓦爾厄、英里、疴內、改二府、曰羅尼、首邑名里昂、乃製造之所、金銀線帶、刺繡甲於通國、羅瓦爾道、非內、改三府、曰義塞、多羅美、上亞卑斯、以上四部皆在東方、不羅溫薩、改三府、曰下亞卑斯、羅尼、河口、首邑名馬塞里、爲南境第一大埔頭、火輪船往來埃及印度、亦泊於此、瓦爾海口、曰土侖、爲師船聚集之所、郎給德、改八府、曰上羅瓦爾、羅塞、亞爾德、加爾德、希落、疴德、達尼、上加倫、以上二部、扼地中海北岸、佛亞、改一府、曰亞列日、

盧西隆改一府曰東北里尼斯哥也納及加斯哥尼改九
府曰及倫首邑名波多海港深通上接內河貿易頗盛爲
西南之大埔頭多多尼羅的及加倫羅的亞維倫達尼及
加倫及爾斯蘭德上比里尼斯伯內改一府曰下比里尼
斯以上八部皆在南方哥塞牙乃地中海島拿破侖皇卽
此烏人初屬以大利法人取之曰亞維囊改一府曰繙克
羅斯曰尼西風景美麗氣候清和曰撒歪山岡環繞陵谷
之間皆沃野此二部本屬撒丁同治二年法蘭西撒丁與
奧地利相爭因法助撒法以倫巴的饋撒撒以此二部饋
法土產穀菓木油酒呢羽絨緞鐵鉛煤礬玻璃磁器等